

**BEATI FLACCI ALBINI**  
SEU  
**ALCUINI**  
CAROLI MAGNI MAGISTRI  
**OPERUM PARS TERTIA. — OPUSCULA DOGMATICA.**  
**OPUSCULUM PRIMUM.**

DE FIDE SANCTÆ ET INDIVIDUÆ TRINITATIS  
AD GLORIOSUM IMPERATOREM CAROLUM MAGNUM DEO DEVOTUM

LIBRI TRES.

**701-702 MONITUM PRÆVIVUM.**

Scripsit Alcuinus præsens opusculum in monasterio Turonensi, circa finem vitæ suæ, et eo quidem tempore, prout ipsem in epistola sua dedicatoria ad Carolum imperatorem significat, « quo gentes, quas prioribus bellicis labor temporibus sibi subdere non potuit, voluntaria subjectione, veniebant : et quo « celeberrimus conventus, quo sacerdotes Dei et populi prædicatores Christiani in unum imperiali præcepto conveniebant, » celebratus fuit : quæ intelligenda esse existimo de anno 802. Annales enim Moisiacenses apud Bouquet, tom. V Script. Rer. Gall. et Franc. pag. 80, ad hunc annum ita habent : « Mense octobri congregavit (Carolus imp.) universalem synodum in Aquis, et ibi fecit episcopis, presbyteris et diaconibus relegi universos canones, quos sancta synodus recepit et decreta pontificum ; et pleniter jussit ea tradi coram omnibus episcopis, presbyteris et diaconibus. Similiter in ipsa synodo congregavit universos abbates et monachos, qui ibi aderant, etc. » cuius synodi ad eundem quoque annum mentionem facit Breve Chronicorum anno Christi 810 compositum apud eundem Bouquet, l. cit. pag. 29, et apud Chesnium, tom. III Script. Franc. p. 125<sup>a</sup>. Eodem etiam anno gentes maxime Saxones, per triginta annos Carolo repugnantes, de subjectione sua cum eodem imperatore paciscebantur, donec tandem anno sequenti 803 pax utrinque ita constituta est, ut Francorum et Saxonum

.... Populus fieret concorditer unus,  
Ac semper regi parens æquilater uni b.

Nullus dubito quin opusculum hocce ad Carolum missum, ab eodem rege Patribus in concilio congregatis ad Alcuini votum propositum atque commendatum fuerit. Certe deinceps a viris illius ætatis celebrioribus probatum laudatumque fuit. Teganus siquidem, idem, credo, qui Ludovici Pii imperatoris Vitam scripsit, ad Hattonem, scu Hettonem Basileensem, ut videtur, episcopum hoc Alcuini opusculum dono misit, dignumque censuit, quo ille episcopus sanctum suum ingenium exerceret. Ideo, inquit, istud volumen vobis transmisi, quod sanctus Alcuinus summus scholasticus ex variis libris sancti Augustini congregavit in unum, quod peritissimo ac nobilissimo imperatori Carolo tradidit, sicut maxima necessitas est mortalium, de

<sup>a</sup> Vid. etiam Baluzius in notis ad Capitularia, tom. II, pag. 1059.

<sup>b</sup> Poeta Saxo ad annum 803 apud Bouquet, loc. cit. pag. 167.

A divina Natura ac de Essentia, de æterna Gignentia Dei Patris, de æterna Nativitate Filii Dei, de æterna Processione Spiritus sancti, de Incarnatione Jesu Christi Filii Dei, quomodo sit unus Deus Trinus, et Trinus Unus, sicut vera fides credere jubet, etc. » Ita scribit Teganus in epistola ad Hattonem a D. Martene edita, tom. I Ampl. Collect. pag. 84. Aeneas quoque Parisiensis episcopus, qui Carolo Calvo imperante floruit, in libro adversus Graecos plura ex hoc Alcuini scripto refert testimonia, prout videre est in eodem libro a cap. 79 usque ad cap. 89 apud D. d'Acherium Spicil. tom. I novæ edit., pag. 130 et 131.

Euumvero præsens opusculum theologiae, quæ illo ævo obtinuit, quasi systema quoddam est ac compendium, sanam prorsus nullisque erroribus conspersam doctrinam complectens, atque hinc tanquam liber classicus tam in docendo quam in prædicando maximæ utilitatis esse censebatur. Quapropter haud mirum est quod idem liber, postquam ex commendatione sapientissimi imperatoris, Patrum concilii Aquisgranensis, Tegani, Aeneas Parisiensis, aliorumque innotuit, avide expetitus, ac multoties descripsit fuerit, atque etiamnum hodie in omnibus vetustioribus bibliothecis ejus exempla serventur. Neque vero illa operis æstimatio recentioribus temporibus eviluit, sed inventa feliciter arte typographica varii formis nunc seorsim, nunc cum aliis collectionibus publica luce donari meruit. Et primo quidem, quantum comperire potuimus, prodit in Homiliario doctorum, Basileæ per Nicolaum Kessler anno 1498, x Nonas Augusti impresso, unde differentes lectiones summa fide et prolixa industria colligit, et nobiscum communicavit vir humanissimus e. D. Christianus Frid. Tenierius Augusto regi Danicæ a secretis epistolis. Posthac in alia Homiliaria Patrum, sæpius saec. xv impressa, migravit. Inter separatas vero editiones antiquissima, quam scimus, C 703 ac plane rarissima est, quæ anno 1509 in celeberrimo et antiquissimo monasterio Ottoburano O. S. Ben. excusa est tanquam primum officina typographicæ a reverendissimo D. Leonardo abbatte erecte, specimen : ad cujus calcem locus et annus impressionis notantur his verbis : *Impressum est præsens Opusculum in Ultinpurra monasterio SS.*

<sup>c</sup> Titulus : *Liber Levite Alcuini : de fide sanctæ et individuæ Trinitatis, ad gloriosum imperatorem Carolum Deoque devotum missus ac scriptus.*

**MM. Alexandri et Theodori, Ord. S. Ben. anno 909 Kal. Sept. Epistolam, quam prælaudatus dominus abbas Opusculo præfixit, ad posteros ejusdem monasterii directam refert celeberrimus D. Schelhornius in Anænitibus Hist. Eccles. et litter. tom. II, pag. 603. Hæc editio nunc adeo rara est, ut neque in präfato monasterio, neque alibi a nobis reperiri potuerit. Restat nihilominus etiamnum Ottobure codex ms., ad cuius fidem idem Opusculum expressum fuit, et quem ad manus habuimus. Altera vetusta ac separata editio prodiit Argentorati apud Petrum Schefer, et Joannem Apronianum socios, Kalendis Martii 1530, in 8°. Editor in commendationem Opusculi hæc verba titulo adjectit: *Sunt in his libris pleraque certo et clare definita, quæ hoc potissimum seculo non sine fidei contumelia in dubium vocantur.* Hanc similiter editionem pro annotandis lectionibus variantibus ad manus habui beneficio viri bono reipublicæ litterariori nati atque antea laudati D. Schelhornii, in cuius bibliotheca eadem servatur: qui etiam vir clarissimus aliam separatam editionem cum Commentario Luce Lossii Francofurti anno 1554 in 8°, curatam refert, libr. i Bibl. Lat. pag. 136. In Bibliotheca tamen Thunaea eidem editioni annus 1555; commentarius vero Leonardo Lessio (qui tamen eo anno vix lucem aspergit), ascribitur. Tertiam demum editionem horum librorum, quæ vetustioribus ad rarioribus accenseri meretur, communicatam habuimus ex bibliotheca locupletissima Electorali Monacensi, a viro præstantissimo D. Felice Oefelio, ejusdem bibliothecæ curatore summe industrio, magnique apud litteratos nominiis ac meriti. Prodiit illa Constantiae ex typographia Nicolai Kalt anno 1596 sub hoc titulo: *De Sanctissima Trinitate libellus admodum reverendi Patris Fr. Alcuini Albini, abbatis quondam sancti Martini Turonensis: ad serenissimum ac potentissimum regem ac imperatorem augustum Carolum Magnum. Repertus primum et descriptus e vetusto codice, in celeberrimo virorum divino cultui mancipatorum cœnobio Augie divitis nuncupato, ac nunc demum industria Nicolai Kalt typis divulgatus.* Epistola dedicatoria editoris directa est ad rev. nob. ac magnificum dominum D. Joannem Georgium ab Halwil, ecclesiæ cathedralis Constantiensis decanum et canonicum.**

Clarissimus Andreas Queretanus hos libros ope veterum recentiorumque exemplarium correctos, atque invocatione SS. Trinitatis, et Symbolo fidei auctos edidit pag. 701 et seqq. Nobis huic ultimæ editioni magis emaculaude, præter varias editiones vetustiores mox recensitas, subsilio fuere codices mss. vetustissimi, duo quidem bibliothecæ nostræ S. Emmeram; quatuor alii bibliothecæ scilicet Auguste Vindobonensis; illustris capituli cathedralis Frisingensis, celeberrimi monasterii Tegernseensis, ac deum ita clytæ canonice Beyerbergensis. Alias tamen et emendationes accepimus a viro cl. D. Catenlinot Benedictinæ congr. Lotharingicæ sodale, e co. d. mss. San-Vittionario, et S. Michaelis diocesis Vir tunensis adnotatas; alias denique ex editione Basileensi anni 1498 multa industria descriptas a viro clarissimo D. Christ. Frid. Temlero superius laudato. Ea ergo que in editione D. Queretani deudrant, ex hisce codicibus suppleta, nec non variantes lectiones quæ adnotari merebantur, uncinis inclusa textui inseri curavimus.

#### PISTOLA NUNCUPATORIA.

Domino gloriose Carolo imperatori augustissimo atque christianissimo humilis levita Alcuinus, in Domino Deo præsentis prosperitatis ac perpetuæ beatitudinis salutem.

Dum dignitas imperialis a Deo ordinata ad nihil aliud exaltata esse videtur, nisi populo præesse et

A prædæsse: proinde detur a Deo eictis potestas et sapientia: potestas, ut superbos opprimat, et defendat ab improbis humiles; sapientia, ut regat et doceat pia sollicitudine subjectos. His duobus, sancte imperator, muneribus divina vestram incomparabiliter subtilitatem [Ms., sublimitatem], ejusdem nominis et numinis antecessoribus gratia superexaltavit et honoravit, terorem potentiae vestre super omnes undique gentes immittens, ut voluntaria subjectione ad vos veniant, quos prioribus bellicis labor temporibus sibi subdere non potuit. Quid igitur? Quid agendum est vestre Deo devotissimæ sollicitudini tempore serenitatis et pacis, quo militaris laboris cingulo soluto totus pacifica quiete populus concurrens festinat ad vestre jussionis editum, intentusque ante thronum gratiæ [Al., gloriæ] vestre consistere, exspectans quid, cui persone, vestra auctoritas præcipere velit, nisi etiam **704** omni dignitati justa decernere, rata præcipere, sancta admonere, ut quisque lætus cum perpetua salutis precepto domum redeat? Ne vero meæ in Dominio devotionis stadium otio torpens, vestro in prædicatione catholicæ fidei deesset adjutorio, direxi sanctissimæ auctoritati vestre de fide sancte et individuæ Trinitatis, sub specie manualis libelli, sermonem, ut divina laus et fides sapientiæ sapientissimi hominum probaretur judicio. Nec videlicet alio quolibet vestre imperialis majestatis munere digniore existimabam sapientiam; nec alium quemlibet tam excellenti dono in accipiendo æque dignum putabam, dum principem populi Christiani cuncta scire et prædicare quæ Deo placeant necesse esse, notissimum est. Neque enim quemquam magis decet vel meliora nosse, vel plura, quam imperatorem, cujus doctrina omnibus prædæsse debet subjectis. Non quo, imperator invictæ et sapientissime, ac res fulgens rector, aliquid scientiæ vestre fidei catholicæ incognitum esse, vel minus exploratum cogitarem: sed ut mei nominis, quo a quibusdam magister (licet non merito) vocor, officium ostenderem; hec non ut convincerem eos, qui minus utile existimabant, vestram nobilissimam intentionem dialecticæ disciplinae discere velle rationes, quas pater [Ms., beatus] Augustinus in libris de sancta Trinitate apprime necessarias esse putavit, dum profundissimas de sancta Trinitate quæstiones, non nisi categoriarum subtilitate [Ms., sublimitate] explanari posse probavit. Quod etiam in ante nominato ejusdem Patris opusculo pius et devotus inquisitor scilicet inveniet, si philosophiæ cognitionem in discendo habere non negligit. Hæc omnia devota mentis acis considerans, tempore celeberrimi conventus, quo sacerdotes Dei et populi prædicatores Christiani in unum imperiali præcepto conveniunt, non ignava (ut reor) opum pondera in ratione catholicæ fidei, vestre excellentissimæ auctoritati attuli, si Dominus, qui voluntatem dicendi dederat, spiritu gratiæ cor (ut de ejus consido misericordia) in agnitione veritatis illuminavit. Nec aliquid mea invenire valuit

devotio, quid liberius afferret, nec quid regalem benevolentiam gratius accepisse putarem. Quid exinde efficere sit ratum [Ms. Quid exinde efficere, omisso sit ratum], vestræ probationis exspectat [Ms. spectat] judicium, si digne meus iste labor in sacerdotiales procedere valeat aures. Ergo vestræ dignitatis dextera dante ad legendum, nemo juste mea dicta spernere poterit, quia probantis auctoritas pluris aestimatur quam sribentis devotio. Multa est omnibus fidelibus in vestra pietate gloriandi facultas, dum clementiæ vestræ sollicitudo sacerdotalem, ut decet, habet in prædicatione verbi Dei vigorem, et perfectam in catholica fide scientiam, et sanctissimam pro hominum [Ms., omnium] salute devotionem. Quapropter universorum precibus fidelium optandum est, ut in omnem gloriam vestrum extendatur B imperium; ut scilicet catholica fides, quæ huma-

A num genus sola vivificat, sola sanctificat, veraciter in una confessione cunctorum cordibus insigatur: quatenus summi Regis donante pietate, eadem sanctæ pacis et perfectæ charitatis, omnes ubique regat et custodiat unitas. Nec aliud omnipotenti Deo munus amabilius esse probatur, quam in catholica fide divine concordie charitas [Ms., concordia charitatis], ut omnes unum sint in Christo, qui pro omnibus mortuus est: per quem cuncti credentes in eum efficiantur filii æternæ beatitudinis.

O Rex auguste clarissime dignus honore,  
Et dux, et doctor, et decus imperii.  
Te Pater atque Patris Proles, te Spiritus almus  
Protegat, exaltet, salvet, honoret, amet.  
Quem tua per populos, terras, per regna, per urbes,  
Mens pia permandet semper amare Deum.

## 705-706 LIBER PRIMUS.

### PRÆFATIO (IN EDIT. CAP. I).

In nomine sancte Trinitatis. Quamvis enim in hujus exsilio ærumnosam exercitatem pro originalis peccati justissima poena, gaudio [Al., a gaudio] beatæ felicitatis dejecti simus, non tamen ita inde præcisi atque abrupti sumus, ut etiam in ipsis mutabilibus et temporalibus æternitatem, veritatem, beatitudinem querere vel desiderare ignoremus. Quod ex eo perspicuum est, quod nec mori, nec falli, nec miseri esse voluntatem habemus. Unde ex hoc naturali instinctu beatos esse velle [omnibus] commune est hominibus; licet diverso modo in animis singulorum beatitudinis appetitus fiat. Quidam vero beatum æstimabant [Al., æstiment] esse regno potiri terreno; alii divitiis abundare; alii honoribus exaltari; quidam vero laudibus celebres esse gaudent; alii voluptatibus inhiant carnalibus; sed nequaquam in hujus vitæ volubilitate vera inveniri poterit beatitudo. Quocirca tota sanctorum series Scripturarum nos a terrenis ad coelestia erigi adhortatur, ubi vera et sempiterna est beatitudo; ad quam nisi per fidem catholicæ pacis, cooperante charitate Dei et proximi, neminem pervenire posse certissimum est.

### 707 CAPUT PRIMUM (IN EDIT. CAP. II).

*Quod ad veram beatitudinem nisi per fidem catholicam pervenire nemo poterit.*

Denique ad veram beatitudinem pervenire volentibus primo omnium fides necessaria est, sicut apostolica docet auctoritas, dicens: *sine fide impossibile est Deo placere* (*Hebr. xi, 6*). Constat ergo neminem ad veram pervenire posse beatitudinem, nisi per fidem. Fides namque [est] bonorum omnium fundamentum. Fides est humanæ salutis initium; sine hac nemo ad filiorum Dei potest consortium pervenire;

\* Al., *Quæ sit vera fides?* Al., *Quod sit verus Deus, Pater et Filius et Spiritus sanctus, et tamen distinctæ inter se personæ divinæ coæternae et coessentiales.*

quia sine ipsa nec in hoc sæculo quisquam justificationis consequitur gratiam, nec in futuro vitam possidebit æternam. Et si quis hic non ambulaverit per fidem, non perveniet ad speciem beatæ visionis Domini nostri Jesu Christi. Proinde omnis anima rationalis ætate congrua discat fidem catholicam, maxime populi prædicatores Christiani, et ecclesiæ Dei doctores, ut possint veritati contradicentibus resistere, et catholicam amantibus pacem prodesse. Quomodo docebit quis quod non didicit? Vel qualiter pastor esse poterit, si pane vitæ gregem sibi commissum pascer ignorat? Nec erubescat nesciens discere quod ignorat, nec sciens tardus sit docere quod novit. Sciat utsique se suo Domino acceptæ pecunia rationem redditum. Tunc desiderabilem fidelis servus audiet vocem Domini dicentis: *Euge serve bone et fidelis, quia super pauca fuisti fidelis, supra multa te constitutam, intra in gaudium Domini Dei tui* (*Matth. xxv, 21*).

### CAPUT II (IN EDIT. CAP. III).

#### a De unitate Trinitatis et Trinitate unitatis.

Omnis itaque Scriptura Veteris ac Novi Testamenti divinitus inspirata, si catholice intelligitur, hoc insinuat quod Pater et Filius et Spiritus sanctus unus sit Deus ejusdem substantiæ, uniusque essentiæ atque inseparabilis in divinitate unitatis. Ideoque non sunt tres dii, sed unus Deus Pater et Filius et Spiritus sanctus, quamvis Pater Filium generit, et ideo Filius non sit qui Pater est; Filiusque a Patre sit genitus, et ideo Pater non sit qui Filius est; Spiritus sanctus nec Pater sit, nec Filius, sed tantum Patris et Filii Spiritus, Patri et Filio etiam ipse coæqualis, et ad Trinitatis pertinens unitatem. Et hæc Trinitas unus est Deus, ex quo omnia [per quem omnia, in quo omnia], beato Paulo apostolo attestante, ubi

ait : *Quoniam ex ipso, et per ipsum, et in ipso sunt omnia, ipsi gloria in saecula saeculorum (Rom. xi, 36).* [In mss. hic est initium cap. 3.] Teneamus igitur firmissime Patrem et Filium et Spiritum sanctum unum esse naturaliter Deum : neque tamen ipsum Patrem esse qui Filius est, nec Filius ipsum esse qui Pater est, nec Spiritum sanctum ipsum esse qui Pater aut Filius est. Una est enim Patris et Filii et Spiritus sancti essentia. In qua non est aliud Pater, aliud Filius, aliud Spiritus sanctus; quamvis personaliter sit alius Pater, alius Filius, alius Spiritus sanctus. Quod nobis maxime in ipso sanctarum Scripturarum demonstratur initio, ubi Deus dicit : *Faciamus hominem ad imaginem et similitudinem nostram (Gen. i, 26).* Cum enim singulari numero dixit *imaginem*, ostendit unam naturam esse, ad cuius *imaginem* homo fieret; cum vero dicit pluraliter *nostram*, ostendit Deum, ad cuius *imaginem* homo siebat, non unam esse personam. Si enim illa una essentia Patris et Filii et Spiritus sancti una esset persona, non diceretur *ad imaginem nostram*, sed *ad imaginem meam*; nec dixisset *faciamus*; sed, *faciam*. Si vero in illis tribus personis tres essent intelligenda, vel credenda substantiae, non diceretur, *ad imaginem nostram*, sed, *ad imagines nostras*. Sed ad unam *imaginem* unius Dei, homo factus dicitur, ut una sanctae Trinitatis essentialiter divinitas intimetur. Hanc quoque Trinitatem **708** personarum, atque unitatem naturae, propheta Isaias revelatam sibi non tacuit, cum se dicit Seraphim vidisse clamantia : *Sanctus, Sanctus, Sanctus, Dominus Deus Sabaoth (Isai. vi)* : ubi prorsus in eo, quod dicitur tertio, *Sanctus*, personarum Trinitatem; in eo vero, quod semel dicitur, *Dominus Deus Sabaoth*, divinæ naturæ cognoscimus unitatem <sup>a</sup>. Plane absque omni dubitatione credendum est Patrem et Filium et Spiritum sanctum unum esse Dominum [Al., Deum], omnipotentem, aeternum, incommutabilem. Et singulus horum Deus; et simul omnes unus Deus, et singulus quisque horum plena, et perfecta, et aeterna substantia [et simul omnes una substantia]. Quia quidquid est Pater quo [Al., quod, et ita porro] Deus est, quo substantia est, quo aeternitas est, hoc Filius, hoc Spiritus sanctus est. Ita etiam et Filius, eo quod Deus est, quo substantia est, quo aeternitas est, [hoc Pater est], hoc Spiritus sanctus est. Et quidquid Spiritus sanctus est, eo quo Deus est, quo substantia est, quo aeternitas est, hoc Pater est et Filius, una in tribus divinitas, una essentia, una omnipotencia, et quidquid substantialiter de Deo dici potest. Si forte de solo Patre interrogatus fueris, quid sit Pater? responde, Deus. Interrogatus de Filio, responde, Deus. Interrogatus de Spiritu sancto, responde, Deus. Si interrogatus fueris simul de Patre, et Filio, et Spiritu sancto, non deos, sed Deum responde, unum, omnipotentem, incommutabilem.

<sup>a</sup> In mss. hic incipit cap. 4 : *Quod sit unus Deus Pater et Filius et Spiritus sanctus.*

<sup>b</sup> Uncis inclusa omituntur in mss.

## CAPUT III (IN EDIT. CAP. IV; IN MSS. V).

*Quod quædam de Deo substantialiter, quædam relative dicuntur.*

Sciendum est quod quædam de Deo substantialiter dicuntur, ut est, Deus magnus, omnipotens, [et] quidquid *ad se* dicitur, id est, substantialiam divinitatis significans. Quædam itaque relative dicuntur, ut Pater ad Filium, et Filius ad Patrem, et Spiritus sanctus relative ad Patrem et Filium. Ad se autem sive Pater, sive Filius, sive Spiritus sanctus Deus [substantialiter] dicitur. Itaque Pater eo, quo [Al., quod] Deus est, hoc ipso substantia est. Quia ejusdem substantiae Filius [et Spiritus sanctus], procul dubio, et Filius Deus, et Spiritus sanctus Deus. At vero Deus eo quo [Al., quod] Pater est, relative dicitur, quia non substantiae nomen est, sed referitur ad Filium. Non sic dicimus Filium Patrem esse, quomodo dicimus Filium Deum esse; nec ita dicimus Patrem Filium esse, sicut dicimus Deum esse, quia Deus substantialiter dicitur; Pater, et Filius, et Spiritus sanctus relative dicuntur.

## CAPUT IV (IN EDIT. CAP. V; IN MSS. VI).

*Quod Spiritus sanctus relative dicitur ad Patrem et Filium : <sup>b</sup> [sed non eodem modo, quo inter se Pater et Filius].*

Prorsus et Spiritus sanctus relative dicitur ad Patrem et Filium, sed non eodem modo quo inter se Pater et Filius. Sicut enim relative Pater et Filius dicuntur, ita et Spiritus sanctus ad Patrem et Filium quodammodo relative dicitur, quia Patris et Filii Spiritus est. Sed ipsa relatio Spiritus sancti non ita reciproca ratione converti poterit, sicut Pater et Filius. Nam Pater Filii pater dicitur, et Filius Patris filius dicitur. Spiritus vero sanctus uniformiter dicitur ad Patrem et Filium, quia Patris et Filii Spiritus est. Dicimus enim Spiritum sanctum, Spiritum Patris: sed non vicissim dicimus, Patrem Spiritus sancti, ne filius ejus intelligatur Spiritus sanctus. Item dicimus Spiritum sanctum, Spiritum Filii: sed non dicimus, Filium Spiritus sancti, ne Pater ejus intelligatur Spiritus sanctus. Dicitur et idem Spiritus [sanctus] donum Dei, quia Deus donator doni sui est. In quibus nominibus circumferri potest vicissim relationis regula, ut si dicamus: donator doni et donum donatoris. Quia in his vocabulis potuit inviri usitata huic categoriæ, quæ dicitur, *ad aliquid*, circumlatio.

**709** <sup>c</sup> CAPUT V (EDIT. CAP. VI; IN MSS. VII).

*Quod Spiritus sanctus communis est Patris et Fili et Spiritus.*

Ergo hoc donum Dei, id est, Spiritus sanctus, qui de Patre et Filio æqualiter procedit, ineffabilis quædam Patris Filiique communio est. Et ideo fortasse sic appellatur, quia Patri et Filio potest eadem appellatio convenire; nam hoc ipse proprie dicitur,

<sup>c</sup> Hoc capitulum citat *Aeneas Paris.*, I. adversus *Grecos*, cap. 79.

quod illi communiter dicuntur, quia et Pater Spiritus, et Filius Spiritus; et Pater sanctus, et Filius sanctus, recte dicitur. Ergo ut nominibus junctis, quæ separatis utriusque personæ conveniunt, utriusque communio proprie significetur, vocatur Spiritus sanctus, qui est tertia in sancta Trinitate persona, Patri et Filio per omnia æqualis, coæternus et consubstantialis. Et hæc Trinitas unus est Deus, solus, bonus, magnus, æternus, omnipotens. Ipse sibi unitas, deitas, magnitudo, bonitas, omnipotentia, et quidquid ad se substantialiter dicitur. Non ita in relativis vocabulis intelligendum est vel dicendum: quia dici non potest, Pater sibi Pater, vel Filius sibi Filius, vel Spiritus sanctus sibi Spiritus sanctus; sed hæc relativa vocabula ad aliam procul dubio personam referri debent.

## CAPUT VI (EDIT. CAP. VII; IN MS. VIII).

**a** Quid de Patre et Filio secundum substantiam, vel secundum relationem dici debeat?

Quidquid ergo ad se dicuntur Pater et Filius, non dicitur alter sine altero, id est, quidquid dicuntur quod substantiam eorum ostendat, ambo simul dicuntur. Si hæc ita sunt, jam ergo nec Pater est Deus sine Filio, nec Filius Deus sine Patre, id est, non ita dicitur Pater Deus, quasi Filius non sit Deus; nec Filius ita dicitur Deus, quasi Pater non sit Deus; sed ambo simul Deus, etiam et unus Deus. Quocircum quidquid secundum substantiam, vel æternitatem de eis dici potest, ambo simul sunt; quamvis de Filio dicatur Deus de Deo, lumen de lumine, ambo simul Deus, ambo simul lumen: sed non Pater Deus de Deo, nec lumen de lumine, sed Filius Deus de Deo, et lumen de lumine. Ambo tamen simul, et semper simul [Al., sunt] unus Deus et unum lumen. Sic etiam et de aliis appellationibus quæ secundum substantiam dicuntur, id est, quod simul ambo sunt, dici debet, ut omnipotens, magnus, bonus, æternus et cetera quæ ad se dicuntur. Quod si ita est, hoc solum de eis dici non potest: illud de illo, quod simul ambo sunt; sicut Verbum de Verbo dici non potest, quia non simul ambo Verbum, sed solus Filius; nec imago de imagine, quia non simul ambo imago, sed solus Filius imago; nec Filius de Filio, quia non simul ambo Filius; nec Pater de Patre, quia non simul ambo Pater [et ideo quod Evangelista ait: *Et verbum erat apud Deum*; multum est, ut sic intelligatur; Verbum, quod solus est Filius, erat apud Deum, quod non (Ms. Vind., non quod) solus est Pater], sed Pater et Filius simul Deus. In quo perfecte intelligitur, quod non præcessit genitor illud quod genuit; et quod ipse in Evangelio ait: *Ego et Pater unus sumus* (Joan. x, 30). *Unum sumus*, ait, id est, quod ille, hoc et ego secundum essentiam, non secundum relativum [Al., relationem]. Quod dicimus lumen de lumine, non duo lumina intelligenda sunt, vel separatio luminis; sed ita intelligendum

**a** Al., *Quod non de Patre et Filio, illud de illo, dici possunt.* MSS., *Quid enim de Patre et Filio, illud de illo, dici possit.*

A est, quod Filius effulgentia æterna lumen est æterni, sicut imago sempiternæ substancialiæ sempiterna est imago.

## CAPUT VII (EDIT. CAP. VIII; IN MS. IX).

**Quod necessario discernendum sit, quid de Deo substantialiter vel quid relative dicatur.**

Exempli gratia, si queris quid sit Abraham juxta substantiam, respondetur, homo. Si queris de Abraham, cur pater sit, relative respondetur, quia filium habet Isaac. Si queris de Isaac, cur sit filius, relative **710** respondetur, quia patrem habet [Abraham]. Omnis vero relatio ad aliud aliquid refertur. Et hæc regula relationis in personis sanctæ Trinitatis intelligenda est. Si ergo interrogatus fueris de Deo, cur dicatur Pater, relative responde, quia Filium habet. Ita etiam et de Filio relative responde, ideo esse Filium quia habeat Patrem. Si ergo dictum de Deo tibi fuerit, quomodo Pater hoc est quod Filius, aut Filius hoc est quod Pater: responde, secundum substantiam hoc est Filius quod Pater; et Pater quod Filius, quia unus est Deus, et una substantia Pater et Filius. Ad se enim Deus substantialiter dicitur: Pater ad Filium, vel Filius ad Patrem relative dicitur. Juxta personæ proprietatem non est Pater, qui Filius; nec Filius, qui Pater. Juxta substancialiæ unitatem, hoc est Pater quod Filius, id est, unus Deus omnipotens. Quidquid ergo ad seipsum dicitur Deus, et de singulis personis dicitur, Patre et Filio et Spiritu sancto; et simul de ipsa Trinitate, non pluraliter, sed singulariter dicendum est. Quoniam quippe non aliud est Deo esse, et aliud magnum esse; vel aliud esse, et aliud bonum esse; sed hoc idem illi est et esse, et magnum esse, et esse, et bonum esse. Propterea sicut non dicimus tres deos, nec tres essentias, sic non dicimus tres magnitudines, nec tres bonitates: sed unus Deus, unam essentiam, et unam magnitudinem, et unam bonitatem.

## CAPUT VIII (EDIT. CAP. IX; IN MS. X).

**Quod non sit majus aliquid Pater et Filius et Spiritus sanctus simul dicti, quam unaquælibet persona ex eis.**

Absque omni scilicet dubitatione credi necessarium est quod Pater plenus et perfectus est Deus, Filius plenus et perfectus est Deus, Spiritus sanctus plenus et perfectus est Deus: non tamen tres dii, Pater et Filius, et Spiritus sanctus, sed unus Deus plenus et perfectus. Nec aliquid majus tres simul dicti, Pater, et Filius, et Spiritus sanctus, quam unusquislibet, vel Pater, vel Filius, vel Spiritus sanctus; quia eadem magnitudo est in unaquaque persona semel dicta, quæ est in tribus personis simul nominatis. Non ita dicimus in hominibus fieri posse; Abraham plenus homo, Isaac plenus homo, Jacob plenus homo, et hi omnes sunt unius substancialiæ, quantum ad humanaam pertinet naturam: non tamen hi tres sunt unus homo, sed tres omnimodo homines; et aliquid possunt. MSS., *Quid enim de Patre et Filio, illud de illo, dici possit.*

magis in tribus cognoscitur, quam in quolibet uno eorum. Item Abraham unus homo, non tamen tres personæ in eo, sicut in uno Deo tres sunt personæ plenæ et perfectæ; sed una persona in Abraham, sicut in uno solet homine esse.

CAPUT IX (EDIT. CAP. X; IN MS. XI).

*Quod nihil secundum accidens in Deo dicatur.*

In Deo autem nihil quidem secundum accidens dicitur, quia nihil in eo [Al., in Deo] mutabile est. Nec tamen omne quod de Deo dicitur, secundum substantiam dicitur, ut in superioribus diximus. Quamvis enim dicatur Pater ad Filium, et Filius ad Patrem secundum *ad aliquid*, non est tamen accidens Patri Patrem esse; vel Filius Filium esse, quia et ille semper Pater, et ille semper Filius; quia æternitas et incommutabilitas negat accidentis alicuius in Deo instabilitatem; quia omne accidens secundum tempus vel esse, vel non esse potest, vel potuit, vel etiam poterit; quia Pater nunquam non Pater, et Filius nunquam non Filius; nec cœpit unquam Pater esse Pater, nec Filius esse Filius. Quod si aliquando cœpisset Pater Pater esse, vel Filius Filius esse, vel desineret esse quod erat, secundum accidens diceretur Pater, vel Filius. Si vero quod dicitur Pater ad seipsum diceretur, non ad Filium, et quod dicitur Filius ad seipsum diceretur, non ad Patrem, secundum 711 substantiam diceretur: sed Pater non dicitur Pater, nisi ex eo quod est ei Filius; et Filius non dicitur Filius, nisi ex eo quod habet Patrem; non secundum substantiam, ut dictum est in prioribus, quia non quisque eorum ad seipsum, sed ad invicem, atque alterutrum ista dicuntur; neque secundum accidens, quia et quod dicitur Pater, et quod dicitur Filius, æternum atque incommutabile est eis.

CAPUT X (EDIT. XI; IN MS. XII).

*Quod non sit diversum in substantia, Patrem vel Filium dici [Al., dicere].*

Quamvis alias sit Pater et alias Filius, non est tamen diversa substantia Patris, et Filii. Quia hoc non secundum substantiam dicuntur, sed secundum relativum [Al., relationem]; quod tamen relativum non est accidens, quia non est mutabile. Cum itaque tantus solus est Pater, vel solus Filius, vel solus Spiritus sanctus, quantus est simul, Pater, et Filius, et Spiritus sanctus, nullo modo triplex dicendus est Deus, quia non est quo crescat illa perfectio summæ Trinitatis. Perfectus autem sive Pater, sive Filius, sive Spiritus sanctus; et perfectus Deus Pater, et Filius, et Spiritus sanctus: ideo Trinitas potius quam triplex dicenda est.

CAPUT XI (EDIT. XII; IN MS. XIII).

*Quæ sint propria unicuique personæ in sancta Trinitate.*

Habent itaque singulæ in sancta Trinitate personæ aliquid proprium, quo inseparabiliter equalitate aliquam in se ostendant proprietatem. Pater solus Pa-

ter, et Filius solus Filius, et Spiritus sanctus solus [est] Spiritus sanctus. Et Pater hoc habet proprium, quod ex omnibus quæ sunt, solus est qui ab alio non est: ac per hoc solus est in paternitatis persona, non [solus] in deitatis essentia. Unigenitus vero Filius Dei hoc habet proprium, quod ex solo, id est, Patre consubstantialiter et coessentialiter solus genitus est; et in hoc est personæ suæ proprietas. Spiritus sanctus itaque hoc habet proprium, quod ex Patre et Filio æqualiter procedit; et est amborum Spiritus, ejusdemque substantiæ et æternitatis cum Patre et Filio. • Sed hæc tria vere etiam tria sunt, ineffabiliterque tria, et essentialiter tria, habentia proprietates suas. Et hæc tria unum, et vere unum; et hoc unum tres, sed non tres Patres, nec tres Filii, nec tres Spiritus sancti; sed tres personæ, unus Pater, unus Filius, unus Spiritus sanctus. Et hi tres, id est, Pater, et Filius, et Spiritus sanctus, unum sunt in natura, omnipotencia, et æternitate. Sed hoc etiam atque etiam firmiter tenendum est, nihil in sancta Trinitate, ad se dictum, plurali numero esse dicendum; quia simplex illa summæ divinitatis natura singulare numero designari debet, non plurali. Ac ideo nec tres deos, nec tres omnipotentes, nec tres bonos, nec tres magnos, nec tres essentias in Deo dicere fas est. Cum enim personaliter alius sit Pater, alias Filius, alias Spiritus sanctus; his tamen unum est naturæ nomen, quod dicitur Deus, vel substantia, vel essentia, vel omnipotencia, vel alia multa, quæ substantialiter, non relative de Deo dicuntur.

CAPUT XII (EDIT. CAP. XIII; IN MS. XIV).

*Quod quædam opera sanctæ Trinitatis quibusdam personis propriæ convenient.*

Indubitanter siquidem credere debemus ipsam sanctam Trinitatem esse inseparabilis substantiæ atque essentiæ, inseparabiliterque operari quidquid a singulis personis legimus operatum esse. Quamvis certissimum sit Patrem esse solum qui dixit: *Hic est Filius meus dilectus, in quo mihi complacui* (Matth. III, 17); et Filium 712 esse solum super quem illa vox [solius] Patris sonuit, quando in Jordane secundum hominem baptizatus est, idem unigenitus Deus qui carnem solus accepit. Et Spiritum sanctum Patris et Filii solum esse, qui in specie columbae super eundem baptizatum ascendentem de aqua descendit (Matth. III, 16), et quinquagesimo die post resurrectionem Christi fideles in uno loco positos, in linguarum ignearum visione adveniens, replevit (Actor. II, 3 et 4). Illam tamen verissime vocem qua solus locutus est Deus Pater, et illam carnem qua solus homo factus est [unigenitus Deus], et illam columbam in cuius specie Spiritus sanctus super Christum descendit, illasque linguas igneas in quarum visione fideles uno loco constitutos replevit, opera esse totius sanctæ Trinitatis, id est, unius Dei, qui fecit in cœlis et in terra visibilia et invisibilia, verissime credendum est.

• Aeneas Paris. ea quæ sequuntur citat, cap. 80

## CAPUT XIII (EDIT. CAP. XIV; IN MSS. XV).

*Quod sancta Trinitas non sit separabilis in natura,  
nec in personis dicenda.*

Deus ergo per immensitatem naturae suae totam creaturam suam et implet et continet; ac per hoc totum, quidquid est, implet Pater, totum Filius, totum Spiritus sanctus. Quapropter [Mss., Quia Pater] et Filius et Spiritus sanctus naturaliter unus est Deus. Inseparabilis igitur naturae unitas non potest separabiles habere personas. Hæc vero summae Trinitatis atque individue unitatis natura, quæ sola est ubique tota, sicut ubique inseparabilem habet unitatem naturae vel operis, sic separationem non potest recipere personarum. Nominantur quidem illæ personæ aliquando singulæ; sed ita se voluit ipsa Deus Trinitas inseparabilem ostendere in personis, ut nullum ibi nomen sit in qualibet persona, quod ad aliam secundum relationis regulam non referretur [Al., non referatur], sicut Pater ad Filium, vel Filius ad Patrem, vel Spiritus sanctus ad Patrem et Filium verissime refertur. Ea vero nomina quæ substantiam, vel potentiam, vel essentiam Dei significant, vel quidquid proprie ad se dicitur Deus, omnibus personis æqualiter convenient, ut Deus magnus, bonus, æternus, omnipotens, et omnia quæ naturaliter de Deo dicuntur. Non est igitur aliquod naturæ nomen [Al., non potest igitur dici], quod sic Patri convenire possit, ut aut Filio aut Spiritui sancto [æqualiter] convenire nequeat. Dicitur enim Pater naturaliter Deus, sed naturaliter est Deus et Filius, naturaliter est Deus et Spiritus sanctus. Nec tamen tres dii, sed unus naturaliter Deus, Pater, et Filius, et Spiritus sanctus. Idcirco inseparabilis est sancta Trinitas in personis sensu intelligenda, quamvis in voce separabilia [Al., inseparabilia] habeat nomina, quia pluralem numerum in naturæ nominibus nullatenus recipit. In hoc ostenditur personas non posse dividiri in sancta Trinitate, quia cujuslibet personæ nomen semper ad alteram respicit personam. Si Patrem dicas, Filium ostendis; si Filium nominas, Patrem prædicas; si Spiritum sanctum appellas, alicujus esse Spiritum necesse est intelligas, id est, Patris et Filii. Et hoc regulariter tenere debemus quod omnia naturæ [divinæ] nomina vel essentiæ, sicut in una persona singulariter, sic etiam in tribus semper singulari numero dici dehere. Si quis vero minus in talibus exercitatus [est] mysteriis summae Trinitatis, votis agat apud Deum ut intelligat quæ Dei sunt, non mecum conqueretur [Al., querelis] quod ea scripsi quæ in sanctorum dictis doctorum legebam.

## CAPUT XIV (EDIT. CAP. XV; IN MSS. XVI).

*Quid sit inter ingenitum et Patrem, et quod Filius solus sit genitus, Spiritus sanctus nec ingenitus, nec genitus.*

Sciendum est quod non per omnia idem est Patrem dicere et ingenitum; quia etsi Filius non genuisset, nihil prohiberet eum dici ingenitum: quia dum dicitur ingenitus, non quid sit, sed quid non sit ille,

\* Ea quæ sequuntur citata sunt ab Aenea Paris. cap. 81.

A de quo dicas ingenitus, significatur. Pater itaque secundum affirmationem; ingenitus secundum negationem dicitur. Negatur itaque genitum esse eum, de quo hic [Al., hoc] dicitur; nec tamen aliquid eum genuisse significatur, dum dicitur ingenitus. Patrem itaque dum dicimus, significamus Filium eum genuisse, quia Filius proprio ideo genitus dicitur, quia Patrem habet qui cum genuit. Sed non [est] inter Patrem et Filium divisio vel scissio, quia alter in altero est, sicut in Evangelio legimus ipsum Dominum dicentem: *Ego in Patre, et Pater in me* (Joan. xiv, 10). Unus ab uno genitus, perfectus a perfecto, plenitudo divinitatis iu utroque, nil differens alter ab altero, quia vita a vivente [Al., a vita] est, Filius a Patre; sicut ipse ait: *Sicut Pater habet vitam in semetipso, sic dedit et Filio vitam habere in semetipso* (Joan. v, 26); id est, talem genuit Filium, qui vitam haberet in semetipso. \* Spiritus siquidem sanctus nec ingenitus, nec genitus alicubi dicitur: ne si ingenitus diceretur sicut Pater, duo Patres in sancta Trinitate intelligerentur; aut si genitus diceretur sicut Filius, duo itidem Filii in eadem æstimarentur esse sancta Trinitate; sed tantummodo procedere de Patre et Filio, salva fide dicendus est. Qui tanien non de Patre procedit in Filium, et de Filio procedit ad sanctificandam creaturam, sicut quidam male intelligentes credendum esse putabant: sed si nul de utroque procedit, quia Pater talem genuit Filium, ut quemadmodum de se, ita de illo quoque procedat Spiritus sanctus.

## C CAPUT XV (EDIT. CAP. XVI; IN MSS. XVII).

*Quomodo intelligendæ sint locutiones prædicamentorum de Deo.*

Decem sunt genera humanæ locutionis, quibus homines suos sensus solent inter se conferre: non de illis dico quas grammatici partes orationis vocant; sed de illis quas philosophi Graece categorias; Latine prædicamenta appellare solent. Quæ quidem ab eis sic nominantur: *Substantia, quantitas, qualitas, ad aliquid*, quod genus locutionis relativum dicitur: item *habitus, situs, tempus, locus, facere, pati*. Hæ sunt igitur causæ locutionis nostræ. Aut enim de substantia cujuslibet rei loquimur; vel de quantitate, id est, magnitudine; aut etiam de qualitate, in quo genere locutionis bonos dicimus qui boni sunt; aut vero ad aliquid, id est, dum personæ quælibet inter se conferuntur, ut dominus non dicitur, nisi servus intelligatur, nec iterum servus, nisi respiciat ad dominum; item de habitu animi, vel corporis; aut de situ, in quo consideratur stare, sedere, jacere; de loco et tempore, id est, quid, in quo loco, vel tempore fiat; item quis quid faciat, vel quid patiatur, sepe loquela nostra ostendit. His ergo omnibus modis solet sancta Scriptura de Deo loqui, sed aliter propriæ, aliter translative, aliter relative. Propriæ Deus dicitur substantia una, summa et ineffabilis, quæ semper idem est quod est; qua [Al., cui] nihil accidens vel recidens inesse poterit.

quæ semper est quod est, quia semper immutabilis. Item Deus magnus dicitur, non alia magnitudine, nisi quia [Al., qua] ipse magnus est et immensus. Ea igitur magnitudine magnus est, qua ipse est eadem magnitudo; et ea bonitate bonus est, qua ipse est [bonitas]. Nec Deo aliud est esse, aliud magnum esse, aliud bonum esse; sed eo quo est, magnus est, et bonus est. Ideo nec tres substantias, nec tres magnos, nec tres bonos de Deo dicere fas est. Quod autem facere dicitur, de Deo verissime dicitur, per quem omnia facta sunt quæ sunt, Domino dicente: *Pater meus usque modo operatur, et ego operor* (Joan. v, 17). Hæc proprie in prædicamentis supra nominatis de Deo dicuntur; si tamen de illo proprie aliquid dici ore hominis potest. Relative itaque de Deo dicitur Pater et Filius, et Spiritus sanctus, sicut supra abundantanter docuimus. Situs vero, et habitus, et loca, et tempora, et pati non proprie, sed translative per similitudines dicuntur in Deo; nam et *ceders super Cherubin* dicitur (Psal. LXXIX, 2), quod ad situm; et *abyssum tanquam vestimentum amictus* (Psal. CIII, 6), quod ad habitum; et, anni tui non

A deficient (Psal. c1, 28), quod ad tempus; et, Si ascendero in cælum, tu ibi es (Psal. CXXXVIII, 8), quod ad locum pertinet. Dicitur et de Deo, *Penitet me hominem fecisse* (Gen. vi, 7); vel etiam: **714** *Laboravi sustinens*. Neque enim aliquid Deus patitur, quantum ad Dei [Al., ejus] substantiam pertinet: quia [Al., qua] Deus est, quia incommutabilis et impassibilis substantia est; dum aliae omnes substantiae capiunt accidentia, quibus in eis fiat vel magna, vel quaecunque [Al., quantacunque] mutatio. Deo autem ejusmodi aliquid accidere non potest, et ideo sola est incommutabilis substantia vel essentia, quæ Deus est. Cui profecto ipsum esse, unde essentia nominata est, maxime ac verissime competit: cui soli illud optime congruit nomen, quo [Al., quod] B Græci dicunt ὁ, Latini est, sicut Apostolus ait: Non est in illo est et non, sed est in illo est. Jam vero [Al., Ea vero] sublimitas hujus tam arduæ disputationis respirare aliquantulum dictantem admonet, ut liberiori sensu ea quæ deinde dicenda sunt, ingrediatur [Al., ingrediamur] explanare.

## LIBER SECUNDUS.

## PROLOGUS.

Omnis itaque sanctorum auctoritas librorum hoc nobiscum agit, ut recte de Deo credamus, eumque tota animi intentione amemus. Sed mentis humanæ visio invalida est ad aspiciendam [divinæ] majestatis excellentissimam lucem, nisi justitia fidei et dilectionis, divina donante gratia, illustretur splendore. Quapropter divina votis omnibus postulanda est gratia, ut mundetur oculus cordis ad videndum, quam proprie Trinitas sit unus, et solus et verus Deus; et quam recte Pater, et Filius et Spiritus sanctus, unius ejusdemque substantiæ vel essentiæ dicatur, credatur, intelligatur. Ad hujus sacratissime beatitudinis visionem nemo, nisi per fidem mundato corde, attingere poterit: dicente ipsa Veritate, *Beati mundo corde, quoniam ipsi Deum videbunt* (Matth. v, 8). Hæc vero visio non carnalibus æstimanda est oculis cerni posse; sed puræ mentis intuitu consideranda est, secundum quod sancti Spiritus gratia nostræ mentis aciem illustrare dignabitur.

## CAPUT PRIMUM.

*Quod Deus omnium sit causa, quæ sunt, ut sint.*

Eorum igitur quæ sunt, vel fuerunt, vel futura sunt, causa est Deus, et horum dator et creator. Et non est dicendum [Al., dicere], hæc esse ipsum [Al., hoc esse ipsum, quod sunt illa], quibus ut essent dedit. Nec alicui creature partem suæ substantiæ dedit, et cum ipse sit inmutabilis, mutabilia sine sui mutabilitate creavit. Ideo in illo hymno laudabili, quem peracta cena mystica coram discipulis suis in laudem Patris, Dei [Al., Deus] Filius decantavit, non dixit de fidelibus suis, ut unum sint

nobiscum, sed ut unum sint in nobis (Joan. xvii, 21), quia diversa substantia est creatoris et creature. Nec etiam dixit: Ego et ipsi unum [sumus], quamvis per id, quod Ecclesiæ caput est et corpus ejus Ecclesia, possit dicere: Ego et ipsi, non unum, sed unus; quia caput et corpus unus est Christus; sed divinitatem suam consubstantiale Patri ostendens, dum ait: *Ut sint unum, sicut et nos unum sumus* (Ibid. 23). Vult ergo esse suos unum, sed in ipso; quia in se ipsis non possunt, dissociati [ab invicem] per diversas voluntates. Cum enim sit sancta Trinitas unus et solus Deus, in substantia solus, in personis tria quædam, cum multa voluit esse, non illud ea voluit esse quod ille ipse est; dum ea quæ voluit esse originem habent: illi siquidem sine origine est esse.

## CAPUT II.

*Quod Deus super omnia sit.*

D Deum supra omnem existentiam, supra omnem vitam, supra omnem intelligentiam credimus esse. Et ille est summa existentia, summa intelligentia, summa vita, a quo [est] omnis vita, omnis intelligentia et omnis existentia, Dei enim idem ipsum est, et potentia, et substantia, et divinitas, et hæc omnia unum, et hoc unum simplex.

**715 CAPUT III.**

*Quod melius sit de Deo æqualem dicere quam similia.*

De Dei Filio doctor egregius beatus Paulus apostolus dicit, *Cum esset in forma Dei, non rapinam arbitratus est esse se æqualem Deo* (Philip. ii, 6). Proinde melius esse videtur æquitatem de divinis dicere personis quam similitudinem, quamquam utrumque inveniatur: quia una quælibet substantia, secundum

**quod substantia est, non est alia, ut sit similis ad A**  
**aliam.** Nec enim in sancta Trinitate substantia sub-  
**stantiae similis est, sed una; et ipsa eadem substanc-**  
**tia est Patris, et Filii, et Spiritus sancti.** Nec sunt  
**tres substantiae similes, sed una trium æqualiter.**  
**Nec Pater Filio prior, nec Filius Patre posterior, si-**  
**cum Ariani voluerunt.** Nam Abraham et Isaac, licet  
**unius sint substantiae secundum humanitatem, tam-**  
**enam Abraham prior est tempore, et Isaac posterior.**  
**Quamvis hi sint similis substantiae, tamen illa simili-**  
**tudo substantiae in filio Isaac posterior est tempore:**  
**quod impium est in Deo credere aliquid prius esse**  
**vel posterius, quia non ex tempore Deus coepit esse**  
**Pater, sed sicut semper Deus, ita semper Pater, sem-**  
**per habens Filium, quem simul [Al., semel; Al., so-**  
**lus] genuit ex sua æqualem sibi natura.** Addunt quo-  
**que dialectici quod omne simile receptibile possit**  
**esse dissimilitudinis, sicut duo homines, quamvis**  
**similis sint substantiae [Al., similes sint substantia],**  
**dissimiles tamen possunt esse moribus: ideo non**  
**possunt recte per omnia æquales dici; et sunt duæ**  
**substantiae in eis divisæ, unusquisque in sua sub-**  
**stantia plenus homo.** In Patre vero et Filio et Spiritu  
**sancto, non est similis substantia substantiae, sed**  
**una æqualis per omnia, et ideo ἐμούσιος, id est,**  
**unius substantiae, non ἐμούσιον, id est, similis sub-**  
**stantiae, sicut hæretici voluerunt.**

## CAPUT IV.

*De immensitate omnipotentiae Dei.*

Quidquid in natura creaturarum est, creatura est  
 Dei, cuius omnipotentia ea gubernat, regit, et implet  
 quæ creavit. Nec ideo Deum omnia implere dicimus,  
 ut eum contineant, sed ut ipsa potius contineantur ab  
 eo. Nec particulatum Deus implet omnia; nec ullaten-  
 nus ita putandum est in omnibus esse Deum, ut una-  
 quæque res per magnitudinem positionis [Al., pro  
 magnitudine portionis] suæ capiat eum, id est, maxi-  
 ma majus, minima minus: dum sit potius ipse totus  
 in omnibus, sive omnia in ipso, cuius omnipoten-  
 tia omnia concludit. Nec evadendi potentiam ejus  
 quis aditum invenire poterit; qui enim eum non ha-  
 bet placatum, nequaquam evadet iratum. Immensis-  
 tas divinæ magnitudinis ista est, ut intelligamus eum  
 intra omnia, sed non inclusum; extra omnia, sed non  
 exclusum; et ideo interiorem, ut omnia contineat;  
 ideo exteriorem, ut incircumscribatæ [Al., incircum-  
 scriptæ] magnitudinis suæ immensitate omnia conclu-  
 dat. Per id ergo quod exterior est, ostenditur esse  
 creator; per id vero quod interior, gubernare omnia  
 demonstratur. Ac ne ea quæ creata sunt sine Deo  
 essent, Deus intra omnia est; verum ne extra Deum  
 essent, Deus exterior est, ut omnia concludantur ab  
 eo, non locali magnitudine, sed potentiali præsentia,  
 quia [Al., qua] ubique præsens est, et omnia illi præ-  
 sentia; quamvis quidam hoc intelligent, quidam ve-  
 ro non intelligent; nam cæco sol absens est, quamvis  
 sit in sole, et soli præsens. Sed de talibus de Deo  
 dictis nihil humana mens, localis vel temporalis mu-  
 tabilitatis, fingere vel cogitare debet.

## CAPUT V.

*Quare Deus dicitur magis in cœlo habitare quam in terra.*

Quod vero in Dominica oratione dicitur, *Pater no-*  
*ster, qui es in cœlis (Matth. vi, 9);* vel quod in Psal-  
 mis legitur, *Ad te levavi oculos meos, qui habitas in cœ-*  
*lis (Psal. cxxii, 4),* non corporaliter intelligendum est,  
 sed spiritualiter, quia non spatio locorum continetur  
 Deus. Sunt enim [Al., autem] cœli excellentissima  
 quidem mundi corpora, quæ 716 non possunt esse,  
 nisi in loco: sed si in cœlis, tanquam in superiori-  
 bus mundi partibus, locus Dei esse creditur, melioris  
 meriti sunt aves, quarum vita est Deo vicinior. Non  
 autem scriptum est: *Prope est Dominus excelsis ho-*  
*minibus, aut eis qui in montibus habitant; sed scri-*  
*ptum est: Prope est Dominus obtritis corde (Isai.*  
*lvii, 15);* quod magis pertinet ad humilitatem. Sed  
 quemadmodum terra appellatus est peccator, cum ei  
 dictum est: *Terra es, et in terram ibis (Gen. iii, 19),*  
 sic cœlum justus e contrario dici potest; justis enim  
 dicitur: *Templum Dei sanctum est, quod estis vos* (I Cor. iii, 17). Quapropter si in templo suo habitat  
 Deus, quia sancti templum ejus sunt, recte dicitur,  
*qui es in cœlis, id est, in sanctis;* et accommodatis-  
 sima ista similitudo est, ut spiritualiter tantum inter-  
 resse videatur inter justos et peccatores, quantum  
 corporaliter inter cœlum et terram. Cujus rei signifi-  
 candæ gratia cum ad orationem stamus, ad orientem  
 convertimus nos [Al., convertijmur], unde cœlum  
 surgit, et lumen oritur, non tanquam ibi habitat  
 Deus, quasi cæteras mundi partes deseruerit, qui  
 ubique præsens est, non locorum spatiis, sed maje-  
 statis potentia: sed ut admoneatur animus ad natu-  
 ram excellentiorem se convertere, id est, ad Deum,  
 qui est lumen verum, illuminans omnem hominem  
 venientem in hunc mundum (Joan. i); cum homo  
 ipsum corpus suum, quod terrenum est, ad corpus  
 excellentius, id est, ad corpus cœlestis convertit.  
 Nam si cœlum istud corporeum, quod oculis videmus,  
 intellexerimus esse habitationem Dei, transitura est  
 habitatio Dei: *Quia cœlum et terra transibit [Al.,*  
*transibunt] (Matth. xxiv, 35).* Deinde antequam fa-  
 ceret Deus cœlum et terram, ubi habitabat? Sed di-  
 cit aliquis: Et antequam ficeret Deus sanctos, ubi  
 D habitabat? Cui respondendum est, in se habitabat,  
 apud se habitabat, et apud se est Deus, et in se ma-  
 net. Sed ideo dicitur in cœlis habitare, quia major  
 cognitio [Al., agnitus] est in cœlis illius summæ ma-  
 jestatis et essentie in angelis, vel in sanctis anima-  
 bus sanctorum, quam in terra habitantibus sanctis,  
 propter gravitatem [Al., gravitudinem] carnalis ha-  
 bitationis, quæ vix permittit animam ad purum veri-  
 tatis lumen avolare [Al., evolare]: sicut dicitur:  
*Corpus, quod corrumpitur, aggravat animam, et do-*  
*primit terrena inhabitatio sensum multa cogitantem* (Sap. ix, 15). Cum igitur exuta erit anima hac mor-  
 tali habitatione, et sereno reddetur perpetuo, tunc  
 videbit facie ad faciem, quod nunc per speculum in-  
 ænigmate considerat (I Cor. xiii, 12).

## CAPUT VI

*Quamvis humanæ more Scriptura de Deo loquatur, nihil tamen commutationis in Deo esse.*

Sacrae Scripturae ad cognoscendum Deum nobis divinitus per sanctos doctores administratæ, a terreno et humano sensu ad divinum et coelestem nos erigentes, usque ad ea verba descenderunt, quibus humana utitur consuetudo : ita etiam ut commotiones humanæ mentis, et passiones, vel affectiones Deo ascriberent [Al., de Deo scribebant], sicut zelare, irasci, pœnituisse ; aliquid ex tempore velle vel nolle Deum [dicerent], quæ sunt humanæ mentis instabilitates, non divinæ serenitatis immutaciones, quæ semper idem est. Quod ergo Deum [Al., Deus] irasci dicitur, non est perturbatio mentis motio, quia Dei ira non est passibilis sicut hominis. Irascitur itaque Deus sine aliqua sua simplicis naturæ passibilitate vel perturbatione, aut etiam immutatione. De eo namque dicitur : *Tu autem Domine virtutum, cum tranquillitate judicas* (Sap. xii, 18) : quod autem tranquillum est, non est perturbatum. Sic etiam et humani corporis membra Deo ascribunt [Al., ascribuntur] ; sicut *Manus tuæ fecerunt me* (Psalm. cxviii, 78) : Et iterum : *Ambulabo inter eos* ; et iterum : *Oculi Domini super justos, et aures ejus in preces eorum* (Psalm. xxxiii, 16) : dum omnimodo nihil tale, vel corporale de Deo mens humana putare debet. Tam [Al., tamen] clementer Deus humanæ consuluit infirmitati, ut quia eum, sicut est, non possimus agnoscere, nostræ locutionis more seipsum nobis insinuari vellet, quantum ad sua per nostra nos traheret, et dum descendit per pietatem nostræ infirmitati, ascendamus nos per intelligentię puritatem ad illum secundum suæ donum gratiæ.

## 717 CAPUT VII.

*Quod Deus ubique sit totus, potestate naturali.*

Hoc maxime intelligere debemus sanctæ Trinitatis unam eamdemque naturam ita totum implere, ut non sit aliquid ubi non sit. Sicut acutissime quedam Christianum, philosopho interrogante ubi est [Al., esset] Deus, respondisse fertur : Dic tu prius, o philosophè, ubi non sit. Tota itaque divinitas ubique tota est, et nullo continetur loco, quia non est localis Deus ; tota scilicet in spiritualibus et corporalibus singulis, et tota simul in omnibus creaturis. Nec adhuc de gratia loquimur, qua se gratuito munere misericordiæ suæ salvandis hominibus præbet ; sed de natura, qua Deus omnia quæ fecit, et implet, et continet, secundum quam dicit : *Cælum et terram ego impleo* (Jer. xxiii, 24). Et secundum quam ipsi Deo beatus David dicit : *Quo ibo a Spiritu tuo : et a facie tua quo fugiam* (Psalm. cxxxviii, 7) ? Et de Christo, qui est sapientia Dei, dicitur : *Attingit a fine usque ad finem fortiter, et disponit omnia suaviter* (Sap. viii, 1). De Spiritu quoque sancto Scriptura sancta sic loquitur : *Quia Spiritus Domini replevit orbem terrarum* (Sap. i, 7). Trinitas itaque, quæ est Deus unus, ve-

**A**rus, et bonus, æternus, incommutabilis, ubique tota est secundum immensitatem atque omnipotentiam naturalem, quamvis non inhabitet in omnibus secundum gratiæ largitatem.

## CAPUT VIII

*Quod Deus aliter in sanctis sit, aliter peccatoribus præsit.*

Deus ergo bonis natura propinquat, et gratia : natura, qua eos facit homines ; gratia, qua eosdem peccatores justificat. [Natura, qua eos ex hominibus nasci ; gratia, qua dat eis potestatem filios Dei fieri]. Natura, qua facit ut vivant ; gratia, qua facit ut sobrie [juste et pie] vivant. Natura, qua eos facit in hoc mundo parvo tempore manere ; gratia, qua eos facit in cœlo sine fine regnare. In malis vero sola est Dei immensitas atque omnipotencia naturalis, qua eos facit esse, vivere, atque sentire, rationales esse, liberum quoque habere voluntatis arbitrium ; sed liberum, non liberatum. Liberum enim arbitrium manet, etiam nunc in hominibus [Al., omnibus] per naturam, quod in quibus voluerit Deus, dignatur libereare per gratiam, ne malam habeant voluntatem. Ex quo enim primus homo libero arbitrio venundatus est sub peccato, ideo mala cœpit esse libertas hominis, quia ipsi libero arbitrio ablata est bonitas voluntatis, quam exinde nemo a seipso habere potuit, nisi gratia divine misericordiæ adjutus habuisset ; sine cuius adjutorio liberum arbitrium nec converti potest ad Deum, nec proficere in Deo. Utrumque credere debegnus, et gratiam Dei, et liberum arbitrium hominis. Si ergo non est Dei gratia, quomodo salvatur mundus ? Et si non est liberum arbitrium, quomodo judicabitur mundus ?

## CAPUT IX.

*De diversitate eorum quæ sunt.*

Omne quod est, aut semper fuit, et non esse cœpit ; aut non semper fuit, et esse cœpit. Quod itaque non cœpit esse, sed semper fuit, solus Deus est, Pater, et Filius, et Spiritus sanctus ; quod vero esse cœpit, omnis est creatura. Ideo in rerum naturis hæc duo tantum sunt, id est creator, et creatura. Sed quod semper fuit et semper est, aut ingenitum est, aut genitum ; aut nec ingenitum, nec genitum. Et sunt hæc tria eternaliter tria. <sup>a</sup> Quod ingenitum est, Pater est solus, quia a nullo esse habet quod est, nisi a seipso ; quod genitum est, Filius est, cui a Patre est esse quod est ; quod vero nec ingenitum est nec genitum, Spiritus sanctus est, cui est esse a Patre et Filio procedere. Et hæc tria Trinitas est vera, consubstantialis et coæterna. Quia igitur aliud est genuisse, quam natum esse ; aliud est procedere, quam genuisse, vel natum esse : manifestum est quoniam [Al., quomodo] alias est Pater, alias Filius, alias Spiritus sanctus. Trinitas itaque ad personas Patris, et Filii, et Spiritus sancti refertur : Unitas ad naturam æternæ Deitatis pertinet. Porro plurima in eis quæ facta sunt, et ex tempore cœperunt [Al.,

<sup>a</sup> *Aeneas Paris. cap. 82.*

quod ex tempore coepit], distantia invenitur esse; nam quædam ex eis sunt spiritalia, quædam corporalia; quædam invisibilia, quædam vero visibilia. Quiddam itaque in eis factum dicitur, et non natum, ut cœlum, et terra, et multa in creaturis: quiddam vero factum dicitur, et natum, sed insensibiliter, ut arbores et herbæ de terra; quiddam est factum, natumque sensibiliter, ut homines et animalia. Aliiquid etiam factum est, et natum, et renatum, ut homo factus a Deo, natus a parentibus, renatus gratia Dei, ministerio [Al., in mysterio] baptismatis; quæ regeneratione in solo homine invenitur, sed non in omni. Quiddam vero in his quæ facta sunt, rationale est et mortale, ut idem homo: sed hoc in solo homine, et in omni reperitur; quiddam vero rationale tantum est, non mortale, ut angelus: et hoc similiter in sola angelica natura invenitur, et in omni; sed ex his, id est, angelis, quidam sunt æternaliter miseri, quidam æternaliter beati; sicut etiam de hominibus, quidam sunt poenales propter merita malitiae; quidam vero cum angelis, qui suum servaverunt principatum, beati æternaliter erunt per gratiam Dei. Sed hæ diversitates creaturarum et commutabilitates, ab uno solo et incommutabili Deo creatæ sunt, qui omnia quæ sunt in cœlo et in terra, absque ulla dubitatione, sicut voluit, fecit. Hoc quoque sciendum est, quod omnis substantia, quæ Deus non est, creatura est, et quæ creatura non est, Deus est.

## CAPUT X.

*Quod quædam mirabilis facta est conjunctio creatoris C ad creaturam.*

Inter hanc [Al., harum] scilicet creaturarum mirabilem et speciosam [varietatem, ex qua] pulcherrima universitas formatarum constat rerum, de qua dicitur: *Et erant omnia valde bona* (Gen. 1, 31). (Bona vero, quia a bono condita sunt creatore, sed non sic bona sicut creator, qui solus est sumnum et incommutabile bonum): homo solus ad imaginem et similitudinem conditoris creatus esse legitur, et felicissimus [Al., felicissimi] horti, qui paradisus dicitur, habitator constitutus, uniusque tantummodo fructus epulis prohibitus, quatenus tam facilis observatione mandati, cœlestem mereretur beatitudinem: sed invidia ruentis angeli de beatitudine sua, hujus mandati transgressor effectus est, atque in hujus exsilii, sicut communatus est ei creator, ærumnosam dejectus est miseriam, et penali mortis conditione multatus (Gen. 11). Sed mitissimus creator, nolens facturam imaginis suæ æternaliter perire, misit Filium suum unigenitum Deum, per quem creavit hominem, ut per eundem redimeretur, per quem creatus est. Qui carnem ex virgine assumens, ita humanæ naturæ adunatus est, ut idem esset homo, qui Deus, et Deus, qui homo: quia talis erat illa susceptio, quæ Deum hominem ficeret, et hominem Deum; nec ulla est in hac duarum conjunctione naturarum, id est, divinitatis atque humanitatis, personalis separatio. Ergo

A quia forma Dei accepit formam servi, utrumque Deus, et utrumque homo; sed utrumque Deus prout accipientem Deum, utrumque autem homo prout acceptum hominem. Non tamen illa susceptione alterum eorum in alterum conversum atque mutatum est; nec divinitas quippe in creaturam mutata est, ut desisteret esse divinitas; nec creatura in divinitatem, ut desisteret esse creatura. Unum tamen horum miraculis claruit; aliud succubuit injuriis: sed nullatenus alius fuit qui miraculis claruit, alius qui injuriis fatigatus est; sed unus atque idem in forma Dei consubstantialis Pater, in forma servi consubstantialis matris, anima et carne homo plenus.

## 719 CAPUT. XI.

B *Utrum enim Christus plenam habeat divinitatis suæ cognitionem.*

Confidenter plane et indubitanter dicimus de sanctis angelis, atque hominibus sanctis, quorum quamvis quislibet per adoptionis gratiam nuncupative Deus dicatur, nulla tamen ratione Deus angelorum, vel Deus sanctorum naturaliter dici posse, sicut de Christo dicitur: *Et adorent eum omnes angeli Dei* (Psal. xcvi, 8); et, *Omnia subjecisti sub pedibus ejus* (Hebr. ii, 8; Psal. viii, 8). In eo quod ait, *omnia subjecit*, nihil dimisit non subjectum ei. Quamvis quislibet sanctus divinæ habitatione gratiæ [Al., habitationis gratia] præcipuus esset, nullus tamen eorum in unam cum divinitate personam electus est, nisi Christus Deus, et homo. Anima quippe, et caro Christi, cum Verbo unus est Christus, et unus Filius. Perquam vero durum est, et a sanitate [Al., firmitate] fidei penitus alienum, ut dicamus animam Christi non plenam suæ [Al., in se] deitatis habere notitiam, cum qua naturaliter unam creditur habere personam. Unde Joannes Baptista Christo singulariter ac sine mensura datam Spiritus largitatem dixit: *Non enim ad mensuram [ait] dat Deus Spiritum* (Joan. iii, 34). Hominibus ad mensuram dat; unico Filio ad mensuram non dedit, quia omnis plenitudo divinitatis in eo habitat. Ipse est enim qui dat sanctis, ipse est qui accepit; et quia potens est ad mensuram dare, ideo non debuit ad mensuram accipere. In forma enim Dei manens Spiritum dat; formam servi accipiens Spiritum accepit: ipsum enim, quem ad mensuram dat, totum accepit. Ad mensuram quippe dat multis filiis; sed non ad mensuram accepit, qui unicus est Filius, quia sic est naturaliter homo verus, ut idem sit naturaliter etiam Deus verus. In Christo autem secundum catholicę fidei veritatem, in unitate personæ simul et deitatem fatentur, et animam rationalem et carnem. In quo tamen deitas Spiritum accipere non potuit, quia secundum deitatem Pater, et Filius, et Spiritus sanctus unus est Deus. Non ergo potuit Spiritum sanctum divinitas Filii accipere, cum ipse Spiritus sanctus sic procedat a Patre, et sic detur a Filio sicut datur a

**Patre.** Restat itaque ut anima Christi Spiritum accepit, quem tamen non ad mensuram accepit, quia totum accepit. Ubi enim mensura dicitur non esse, plenitudo perfectionis et perfectio plenitudinis inventur. Per quam etiam plenitudinem [Spiritus, plenitudinem] divinæ cognitionis habere manifestum est : in quantum enim cuilibet sanctorum Spiritus datur, in tantum cognitione Divinitatis accipitur ab eo. Non enim estimandum est animæ Christi in aliquo plenam Divinitatis deesse notitiam, cuius una est persona cum Verbo, quam sicut Sapientia suscepit, ut cum ipsa divinitate sua una sit in Trinitate persona, id est, Christus crucifixus, quem Dei virtutem Deique sapientiam Paulus apostolus prædicat (*I Cor. 1, 24*). :

## CAPUT XII.

*Si anima Christi plenam habet divinitatis cognitionem, quomodo dicitur in Evangelio, Filiū nescire diem judicii (Marc. XIII, 32).*

In Scripturis sanctis genus est locutionis, quod apud grammaticos metonymia dicitur, id est, dum per efficientem designatur id quod efficitur. Hoc enim genere locutionis Deus nescire dicitur, quia neascientes facit; etiam et scire Deus dicitur, quia scientes facit, sicut scriptum est : *Tentat vos Dominus Deus vester, ut sciat, si diligatis eum (Exod. XVI, 4; Deut. XIII, 3).* Non enim sic intelligendum est, quasi Deus nesciat si diligent eum, de quibus hoc dicitur : sed ut illi ipsi sciant, quantum in Domini dilectione profecerint [*Ali.*, proficerent]; quod nisi temptationibus quæ accident, non plene ab hominibus agnoscat. Et ipsum tentat, pro eo positum est, quod tentari sinat. Sic et cum dicitur nescire Deum, aut pro eo dicitur quod non approbat, sicut impius dicturus est : *Nescio vos (Matth. XXV, 12);* aut pro eo quod utiliter nescientes facit, sive etiam pro eo quod non est tempus sciendi, sicut in Evangelio dicitur : *De die et hora nemo scit, neque angeli in caelo, neque Filius 720 nisi Pater (Matth. XIII, 32).* Hoc enim genere locutionis nescire dicitur Filius, quia nescientes fecit, quod utile illis fuit nescire, id est, quod non ita sciebat, ut eos scire fecisset. Quia utilius illis fuit diem judicii nescire quam scire, ut semper parati essent et vigilantes, dum qua hora dies Domini quasi sur veniret, paratos inveniret eos.

## CAPUT XIII.

*Quod unum opus sit Patris et Filii.*

Operatur enim Pater per Filium, per quem fecit omnia, et semper operatur : sicut dictum est : *Omnia per ipsum facta sunt (Joan. I, 3);* item : *Pater meus usque modo operatur, et ego operor (Joan. V, 17);* non diversitatem operis designans, quia unum opus est Patris et Filii, sed personarum proprietatem ostendens. Ipsa itaque operatio Dei, id est, sanctæ Trinitatis, voluntas est Dei, et voluntas Dei simplex est, et semper in requie beatitudinis. Nec aliud est Deo operari, aliud velle, sed idem est illi velle et operari, quia voluntas Dei effectiva est potentia. Nec Deo aliud est esse, aliud velle, sed unum

A atque idem. Et hoc totum simplex, totum Unitas totum Trinitas, totum ὁμούσιον ; quia esse quod substantiale est, unum est in Patre, et Filio, et Spiritu sancto ; et horum una actio est, sicut una voluntas. Fuerunt enim omnia ab æterno [in] Deo. Operatione autem, id est, virtute Dei, qui est Filius, apparuerunt omnia, et facta sunt sicut voluit, et quando voluit, et quomodo voluit, qui fecit omnia : sed non ille factus, per quem facta sunt omnia. Natus est ergo Filius Dei, ex æterno æternus, de Deo Deus, de lumine lumen, sicut særissime diximus et semper dicemus.

## CAPUT XIV.

*Omnia per Christum facta esse, ipsum vero natum non factum.*

B In principio fecit Deus cœlum et terram (*Gen. I, 1*); id est, in Christo fecit Deus, qui est Filius Dei, qui est Verbum Dei, qui est virtus, et sapientia Dei, sicut dicitur in Psalmo : *Omnia in sapientia fecisti (Psal. CIII, 24).* Sed ipse idem [*Ali.*, id est] Filius, ante omnia semper est, et semper Deus, et semper in Deo; idcirco ὁμούσιον Pater et Filius. In eo vero [*Ali.*, ideo vero] quod Filius dicitur et est, genitus est, non factus ; quamvis Apostolus dixisset : *Qui factus est sapientia nobis a Deo (I Cor. I, 30);* non quod factus sit in substantia sua ut esset, sed effectus est ut Dominus esset omnium quæ facta sunt, dum fuerunt quibus Dominus esset. Creaturas ergo fecit Deus per Filium, sed non Filium fecit, per quem fecit omnia ; sed genuit de substantia sua æqualem sibi. Natus est ergo Christus, non factus. Ubicunque ergo dicitur quoniam factus est, post primam generationem dicitur, quæ ex æterno [*Ali.*, quæ æterna est] est, et una est, et sancta, et ineffabilis. Legitur in Actibus Apostolorum : *Certissime igitur sciat domus Israel, quia hunc Christum Deus fecit, quem vos suspendistis in cruce (Act. II, 36);* et Apostolus : *Qui factus est ex muliere (Galat. IV, 4);* et evangelista : *Verbum caro factum est (Joan. I, 14).* Ista omnia non in ejus existentiam, vel substantiam, sed in actus, et in ministracionem ejus potentiae atque virtutis dicuntur. Quod Apostolus ait Christum Dei virtutem et Dei sapientiam (*I Cor. I, 24*), non ita intelligendum est, quod Pater dici non possit virtus, vel sapientia, sicut dici non potest Filius, vel Verbum ; quia hæc relativa sunt nomina, sicut superius dictum est : illa vero, id est virtus et sapientia, substantialia sunt : ideo Pater, virtus et sapientia, et Filius virtus et sapientia ; et Spiritus sanctus virtus et sapientia ; non tamen tres virtutes, nec tres sapientiae, sed una virtus, et una sapientia Pater et Filius, et Spiritus sanctus ; sicut una substantia, et una omnipotentia, et alia quæ de substantia divinitatis dicuntur. Et ita intelligatur Filius sapientia Patris, quomodo dicitur lumen Patris ; id est, ut quemadmodum lumen de lumine, et utrumque unum lumen, sic intelligatur sapientia de sapientia, et utrumque una sapientia ; quia in illa simplicitate divinæ naturæ 721 non est aliud

D

sapere quam esse, nec aliud esse quam posse, nec aliud posse quam vivere. Eadem ibi sapientia quæ [et] essentia, eadem potentia quæ et essentia, eadem vita quæ et essentia, et hæc omnia unum, et unus Deus.

## CAPUT XV.

*De eo quod sicut Pater est vita, ita et Filius est vita.*

Sicut Pater vivificat, sic et Filius quos vult vivificat (*Joan. v. 26*) : non tamen alios vel aliter Pater, et alios vel aliter Filius, sed eosdem quos Pater vivificat, vivificat et Filius similiter. Nec Spiritus sanctus ab hac vivificatione secernendus est, quia unum opus est Patris, et Filii, et Spiritus sancti, sicut una substantia atque essentia. Sicut enim Pater vivens vita est, ita et Filius vita. Manet ergo Pater vita, manet [et] Filius vita. Pater vita in semetipso, non ab alio, Filius vita in semetipso, sed a Patre, qui eum talem genuit, ut vitam haberet in semetipso. Dictum quippe est, sicut ipse Filius ait : *Sicut Pater habet vitam in semetipso, sic dedit et Filio vitam habere in semetipso* (*Joan. v. 26*), id est, genuit Filium, vitam in semetipso habentem. Hoc solum interest, quod Pater vita est non nascendo, Filius [vita] est nascendo; Pater de nullo patre, Filius de Deo Patre; [Pater] propter Filium Pater est, Filius vero et quod Filius est propter Patrem est, et quod est, a Patre est, et a vita, vita est. Pater qui est vita in semetipso, genuit Filium qui esset vita in semetipso. Ideo et ipse Filius ait : *Sicut vivit Pater, et ego vivo propter Patrem* (*Joan. vi. 58*). Non ita dictum est, quasi in seipso Filius propriam non haberet vitam, sed participatione paternæ vitæ vitam haberet. Sicut oculus carnalis participatione lucis alterius lumen accipit, quod non habet in seipso, nisi aliunde mutuasset. Sed jam jamque [*Al.*, jam itaque] talis a Patre genitus est Filius, qui in seipso viveret : sicut Pater non est indigens vita, sic Filius non indigeret [*Al.*, indiget] alterius vitæ. Est Pater vita, est Filius vita; utrumque [*Al.*, utrique] tamen una vita, non duæ, quia unus Deus, non duo dii. In hac vero vita vivit mundus, et vivet quandiu obedierit huic vitæ. Unde et Petrus ait : *Tu verba vitae æternæ habes* (*Joan. vi. 69*) : Id est, qui tibi obedierit, vitam æternam habet. Et ipse Dominus : *Amen, amen dico vobis, quia venit hora et nunc est, quando mortui audient vocem Filii Dei, et qui audierint vivent* (*Joan. v. 25*). Quid est enim audiens, nisi obaudient, id est, obedient? Quantum enim pertinet ad auris auditum, non omnes qui audiunt vivent; multi enim audiunt, et non credunt, vel non faciunt quæ [*Al.*, quod] credunt; audiendo et non credendo non obediunt; non obediendo non vivent. Itaque hi qui audiunt, nihil est aliud, quam quod obediunt : qui ergo obedient, vivent.

## CAPUT XVI.

*Quod substantia divinitatis omnimodo invisibilis sit, et incomprehensibilis in sua natura creaturis.*

Sicut igitur immutabilis est omnino Deus, ita et invisibilis est in natura magnitudinis suæ. Quamvis

A multoties legatur quod apparuerit [*Al.*, apparuisset] Deus cuilibet in Veteri Testamento Patruin, sed apparuit quibus voluerat per subjectam creaturam, in qua voluerat specie, et quomodo voluit. Sed nullatenus a quolibet visus est [in] substantia divinitatis suæ, quæ omnino invisibilis et incommutabilis est. Quod beatissimus et magnus propheta Moyses intelligens ait Deo, cum quo ut amicus ad amicum, facie ad faciem locutus esse dicitur : *Si inveni gratiam ante te, ostende mihi temetipsum* (*Exod. xxxiii, 13*). Si itaque ejus naturam substantiamque conspiceret, nullatenus diceret : *Ostende mihi temetipsum*. Ipsi ergo apparuit Deus in ea specie qua voluerat, non autem ipse apparuit illi in natura propria, quam Moyses videre cupiebat. Manifeste [*Al.*, cupiebat manifeste] B noverat utique, quod corporaliter videbat, quodecumque videbat; et veram visionem Dei spiritualiter requirebat. Locutio quippe illa, quæ siebat in vocibus sic **722** modificabatur, tanquam esset amici loquenter ad amicum. Confirmat vero evangelista Dei esse naturam omnimodo invisibilem, ubi ait : *Deum nemo vidit unquam* (*Joan. i. 18*); quia plenitudinem divinitatis quæ in Deo est, nemo oculis vidit, nemo mente comprehendit. Nec etiam angelicæ naturæ comprehensibilis est Deus : quia vere incomprehensibilis dicitur; sed secundum mensuram donationis Dei, ita Deum vel angeli vel animæ sanctorum intelligunt. Proinde quamvis usque ad æqualitatem angelicam humana post resurrectionem natura proficiat, et ad contemplandum Deum glorificata consurgat, videre tamen ejus essentiam plene non valet, sed unicuique sanctorum ad suæ sufficientiam beatitudinis manifestabitur gloria ejus.

## CAPUT XVII.

*Quod illæ visiones, quæ in Veteri Testamento Patribus apparuisse leguntur, maxime per angelicas administrationes fierent.*

Quod vero omnia quæ Patribus visa sunt congruis temporibus vel locis, secundum Dei dispensationem per angelicas esse [*Al.*, essent] administrationes, apertissime eximius mundi Doctor, qui in tertium rapturn cœlum audivit [*Al.*, audire meruit] quædam arcanæ mysteriorum Dei verba, ostendit, ubi ait : *Nonne omnes sunt administratorii spiritus ad ministracionem missi, propter eos qui hereditatem capiunt salutis* (*Hebr. i. 14*); volens intelligi illa omnia non solum per angelos facta, sed etiam propter nos facta, quæ in veteribus legitur figurationibus; et paulo post : *Si enim sermo per angelos dictus, factus est firmus*: omnia quæ data sunt vel dicta populo priori, per angelos ministrata esse ostendit; nostræ vero salutis originem et plenitudinem per ipsum Dei Filium mox in sequentibus ejusdem epistolæ verbis ministratam esse demonstravit. Et beatus Stephanus protomartyr angelum Moysi locutum esse in flamma ignis asseruit in disputatione quam habuit contra lapidatores suos (*Act. vii*); dum in eadem visione dicitur Dominum apparuisse Moysi : apparuerunt vero angeli, et locuti sunt in persona illius qui eos direxerat (*Exod. iii*).

Sed quæri potest cur Scriptura non dicat : Apparuit angelus, vel locutus est angelus cuilibet Patrum ? Quamvis quidem præco verba referat judicis, non scribitur in gestis : Præco dixit vel fecit ; sed : Judex dixit vel fecit. Quapropter probabili ratione videri potest, patribus nostris ante incarnationem Christi sub persona Domini apparuisse, vel locutos esse angelos : nec illos etiam in sua apparuisse substantia credendum est, sed in subjecta creatura, quæ ab illis tempore opportuno assumpta est, ad ministracionem officii sui. Sicut anima hominis invisibilis est, ita etiam angelicam carnalibus oculis naturam invisibilem esse certissimum est.

#### CAPUT XVIII.

*Non de solo Pater intelligendum esse, ubi dicitur : Qui facit mirabilia magna solus.*

Ubicunque in Scriptura sancta legitur, *solus Deus*, non de unaqualibet persona in sancta Trinitate intelligendum est, sed de tota sancta Trinitate, quæ æqualiter operatur omnia quæcumque operanda esse judicat. Unde quod in Psalmis dicitur : *Qui facit miracula magna solus* (*Psal. lxxi, 18*) ; *qui facit luminaria solus* (*Psal. cxxxv, 7*), non de solo Pater, sicut adversarii volunt intelligitur dictum, sed de tota sancta Trinitate, quæ est unus, solus Deus. Similiter de Patre solo non est intelligendum quod Apostolus ait : *Beatus, et solus potens, Rex regum et Dominus dominantium, qui solus habet immortalitatem, et lucem habitat inaccessibilem, quem nemo hominum vidit, nec ridere potest* (*I Tim. vi, 15, 16*). In quibus verbis, C nec Pater proprie nominatus est, nec Filius, nec Spiritus sanctus; sed absolute, beatus et solus potens, Rex regum et Dominus dominantium, quod est unus, solus, beatus, potens, invisibilis, verus Deus, ipsa Trinitas, quæ æqualiter beata est, 723 æqualiter potens, imo omnipotens, etiam et unipotens, quia una potentia est totius sanctæ Trinitatis. Neque enim quia ipse Filius alibi loquens voce sapientie (ipse est enim sapientia Dei), ait : *Gyrum cœli circuvi sola* (*Ecclesiasticus xxiv, 8*), separavit a se Patrem : quanto magis ergo non est necesse, ut tantummodo de Patre præter Filium vel Spiritum sanctum intelligatur quod dictum est : *Solus habet immortalitatem, et lucem habitat inaccessibilem* ?

#### CAPUT XIX.

*De unitate Spiritus sancti cum Pater et Filio.*

¶ Spiritus itaque sanctus, sicut Pater et Filius, plenus est Deus et perfectus; imo unus Deus cum Patre et Filio, atque una substantia, sicut supra memoravimus : quoniam ipse est Spiritus sanctus, qui in Scripturis dicitur Spiritus Dei, vel Spiritus Christi, sive Spiritus Patris, sive Spiritus Paracletus, etiam et Spiritus veritatis; nec non et Spiritus virtutum, qui a Patre et Filio æqualiter [procedit, et cum Patre et Filio æqualiter] adoratur, quia æqualiter est Deus, totus Patris et totus Filii Spiritus; quia unus naturaliter Spiritus est, et Patris, et Filii; proinde totus

¶ *Aeneas Paris., cap. 84.*

A de Patre procedit, et totus de Filio; totus in Patre manet, et totus in Filio, quia sic manet ut procedat, sic procedit ut maneat. Unde naturaliter hanc habet cum Patre et Filio unitatis plenitudinem, et plenitudinis unitatem, ut totum Patrem habeat, totumque Filium; ipseque [Al., ipse quoque] totus habeatur a Patre, totus habeatur a Filio; qui etiam a Patre et Filio æqualiter datur, imo et a seipso datur, sicut Filius de eo dicit : *Spiritus, ubi vult, spirat* (*Joan. iii, 8*). Ipse in prophetis locutus est, per ipsum Apostoli sine timore sæcularium potestatum testimonium proferebant de Christo, quia ipse loquebatur in illis (*Act. ii, iv, vi, xviii*), sicut ipse Dominus ait : *Non enim vos estis qui loquimini, sed Spiritus Patris vestri qui loquitur in vobis* (*Matth. x, 20*). In ipso enim habent omnes fideles remissionem peccatorum, sive in baptismo, sive etiam in poenitentia. Ipse charitas Dei dicitur, quamvis Pater, et Filius sit charitas. Sicut enim [Al., sicut et] Filius sapientia Dei dicitur, quamvis sit Pater et Spiritus sanctus sapientia, ipse Paracletus, id est, consolator dicitur, quia revera dum dona sacramentorum distribuit, consolationem animæ prebet : per quam [Al., per quem] diffunditur in cordibus nostris Dei charitas, per quam nos tota inhabitat Trinitas. Quocirca rectissime Spiritus sanctus, cum sit Deus, vocatur etiam donum Dei; quod donum proprie, quid nisi charitas intelligitur [Al., intelligenda est], quæ perducit ad Deum, et sine qua quælibet alia virtus operis boni non perducit ad Deum ?

#### CAPUT XX.

*Nihil itaque temporale in eo debemus intelligere de Spiritu sancto, dum dicitur donum Dei.*

Hoc vero donum Dei, quod est Spiritus sanctus, coeternum est et consubstantiale donatori : quia donum donabile fieri poterit, quamvis non sit cui donetur. Quod donum, id est, Spiritus sanctus, non ex tempore, sed ab æternitate procedit; sed quia sic procedebat ut esset donabile, jam donum erat, et antequam esset cui daretur. Alter enim intelligitur cum dicitur donum, aliter cum dicitur donatum. Nam donum potest esse et antequam detur : donatum autem nisi cuilibet datum fuerit, nullo modo dici potest. Et hoc itaque donum Dei occultum fuit ab æterno in Patre et Filio; manifestandum opportuno tempore, dum essent quibus manifestari deberet. Et hoc donum, id est, Spiritus sanctus in eadem unitate substantiae et æqualitate cum Patre et Filio consistit. ¶ Sive enim sit unitas amborum, sive sanctitas, sive charitas; sive ideo unitas quia charitas, et ideo charitas quia sanctitas : nequaquam minor est in aliquo illis ex quibus procedit. Et haec est summa charitas, qua genitus a gigante diligatur, genitoremque suum diligat, et ideo non 724 amplius quam tria sunt : unus diligens eum, qui de illo est; et unus diligens eum, a quo est; et ipsa dilectio, de qua dicitur, quia Deus charitas est. Et haec summa et ineffabilis Trinitas non unius Dei dici debet, sed unus Deus.

¶ *Idem, cap. 85.*

## CAPUT XXI.

*Cur idem Spiritus sanctus bis a Deo Christo datus sit?*

\* Absque dubitatione ideo Spiritus sanctus bis datus est, ut commendarentur duo præcepta charitatis. Dicunt enim præcepta, sed una est charitas; sic etiam unus Spiritus, et duo data. Nec alia charitas diligit proximum, quam illa quæ diligit Deum. In terra datur Spiritus, ut diligatur proximus: de cœlo datur, ut diligatur Deus. Quamvis sit aliud Deus, aliud proximus, tamen una charitate diligendus est Deus et proximus. Deum plus seipso, proximum ut seipsum amator amet. In terra Christus dedit Spiritum, sed de cœlo est quod dedit. Ille enim dedit, qui de cœlo descendit. Hic invenit cui daret, sed inde attulit quid [Al., quod] daret. Sed ista charitas non tenetur nisi in unitate Ecclesie Christi, nec illam habent, qui se dividunt ab unitate catholicæ pacis.

## CAPUT XXII.

*Quamvis diversa sint Dei dona in sanctis, ab uno eodemque Spiritu singulis singula dantur.*

Dona sancti Spiritus membris Ecclesie sigillatim dividuntur, et siagulis singula dona tribuuntur. In Christo siquidem solo omnis plenitudo donorum, quia omnis plenitudo divinitatis in eo habitat. Unde plenus gratiae et veritatis ab evangelista prædicatur (*Joan. i, 14*). In Spiritu sancto omnis gratia donorum consistit [Al., existit]; ipse enim, prout vult, gratias donorum largitur, aliis dans sermonem sapientiae, aliis scientiae, aliis fidem; atque [ita] unicuique in virtute sancti Spiritus gratia tribuitur secundum vo-

\* *Aeneas Paris, cap. 86.*

## LIBER TERTIUS.

## PROLOGUS.

Duas enim creaturas rationales condidit creator: unam cœlestem, alteram terræstrem; et utramque liberi arbitrii potestate nobilitavit, ut voluntarie in dilectione Dei, et divince potentiae laude perpetualiter atque beate permaneret. Sed quia prior, id est, angelica, non tamen tota, propria delectando 725 potentia, ab amore summi boni recedens, in seipsum delapsa, sui homicida facta est, serumanosam atque penalem impietatis suæ æternitatem experta: proinde invidia contra hominem inardescens, ne cœlestem beatitudinis sedem possideret, incitavit eum ad peccandum, efficiens eum suæ socium miseriae, quasi quoddam solatium sibi esset cum plurimis penas pati: vel etiam ut injuria creatori inureretur [Al., ingereretur], si creature ad imaginem suam condita, perditio dignitatis suæ nomine et numine [Al., nomine in æternum ignem suæ], suæ subderetur impietati. Quod pius conditor non passus, miseratus hominem, reformare eum volens ad pristine dignitatis nobilitatem, misit unicum Filium suum hominem suscipere, ut idem, qui Deus erat ex Deo, esset homo ex homine, et immortalis haberet aliquid unde mori potuisse. Assumpsit itaque Dei Filius ex mortalitate

A luntatem largitoris, et in omnibus idem Spiritus habetur, sicut in prophetis unus atque idem locutus est Spiritus (*I Cor. xii, 4 seq.*). Ipse etiam ineffabilia docet, quæ proferre humanus sermo non potest; ipse enim dicitur ab Apostolo gemitibus inenarrabilibus postulare pro nobis (*Rom. viii, 26*): postulare plane dicitur, quia nos postulantes facit ineffabili cordis gemitu. Sed non nunc, ut quondam, dona sancti Spiritus sunt in hominibus; nam paucis in populo Israel dona emicuerunt sancti Spiritus per quælibet signa, vel prophetias; nunc autem in omni credentium multitudine Spiritus sancti gratia diffunditur, secundum voluntatem distinguentis Spiritus [Al., Dei]. Et hoc est, quod in Evangelio dicitur: *Nondum enim erat Spiritus datus, quia Jesus nondum fuerat glorificatus* [Al., clarificatus] (*Joan. vii, 39*). Sic ut enim unius corporis membra diversa habent officia, quæ tamen omnia una operatur anima et regit, distribuens unicuique membro, quid faciat; oculo, ut videat; manui, ut operetur; pedi, ut ambulet; auri, ut audiat: sic sunt etiam diversa dona fidelibus tanquam membris ad mensuram cuique propriam distributa. Quamvis enim, et in omni fidelium multitudine diversæ sint donorum gratiae, unum tamen corpus est Ecclesie per unum Spiritum, una charitatis compage conglutinatum atque connexum: qui Spiritus meæ humilitatis spiritui inspirare dignetur, quid deinceps dicendum sit de ineffabili Christi Jesu Domini nostri Nativitate, de quo Propheta ait: *Generationem ejus quis enarrabit* (*Isai. lxx, 8*)? quod ab alio incipientem.

C dum esse exordio melius arbitror.

nostra, unde salva sua immortalitate, mortalis esset [Al., mori potuisset], et diabolum hominis victorem magis vinceret justitia quam potentia, ut ostenderet utrumque, et perpetuam æquitatis suæ justitiam, et æterne bonitatis [suæ] misericordiam. Justitiam in angelo homicida sui ipsius atque hominis; in homine vero ab eodem perditio misericordiam, quem gratuito magnæ pietatis suæ munere redimere voluit. Quod in sequentibus divina nobis donante gratia dicturi sumus.

## CAPUT PRIMUM.

*De gratia Dei, qua Deus homo factus est.*

In hoc etiam evidenter commendatur quod Spiritus sanctus sit donum Dei, sicut supra ostendimus, dum dicitur in Symbolo catholice fidei, quod Christus de Spiritu sancto conceptus, et ex Maria virginе sit natus. Cum aliter de illo, aliter de illa natus sit, non de illo sicut de Patre, de illa vero sicut de Matre: quid tamen hic sancti Spiritus mentio facta est, nisi quod magna Dei gratia commendatur? Quid enim natura humana in homine Christo meruit, ut in unitate [Al., unitatem] personæ unici Filii Dei singulariter esset assumpta? Quæ bona voluntas? Cujus boni propositi studium? Quæ bona opera præcesserunt, quibus mereretur ista [Al.,

iste] homo, una sieri persona cum Deo, imo et homo ipse Deus? Nempe ipse ex quo esse homo coepit, non aliud coepit esse quam Dei Filius, et hoc unicus, unigenitus et proprius; et propter Dei Verbum, quod caro factum est, utique Deus; ut quemadmodum est una persona quilibet homo, anima scilicet rationalis et caro, ita sit Christus una persona, Verbum et caro [Al., et verbum caro]. Unde naturae humanae tanta gloria nullis praecedentibus meritis, sine dubitatione gratuito munere, nisi quia magna hic et sola Dei gratia fideliter et sobrie considerantibus evidenter ostenditur? ut intelligent homines per eamdem gratiam se justificari posse a peccatis, per quam factum est ut homo Christus nullum possit habere peccatum. Sic sanctam Virginem matrem scilicet Filii Dei, angelus salutavit, quando ei futurum nuntiavit partum: Ave (inquit) gratia plena; et paulo post: Invenisti (ait) gratiam apud Deum (Luc. 1, 28, 30). Et haec quidem gratia plena, et invenisse apud Deum gratiam dicitur, ut Domini sui, imo Domini omnium, salva virginitate, mater esset.

#### CAPUT II.

*Ad commendationem ejusdem gratiae, beatus evangelista Christum ait, plenum gratia et veritate.*

De ipso autem Domino Joannes evangelista cum dixisset: Verbum caro factum est, et habitavit in nobis; adjunxit: Vidimus, inquit, gloriam ejus, gloriam quasi unigeniti a Patre, plenum gratiae et veritatis (Joan. 1, 14). Quod ait: Verbum caro factum est, hoc est, plerumq[ue] gratiae; quod ait: gloriam C quasi unigeniti a Patre, hoc est, plenum veritatis. Veritas quippe ipsa unigenitus est Dei Filius, non gratia, sed natura. Gratia suscepit hominem tanta unitate personae, ut idem ipse esset. etiam filius hominis, qui Dei Filius unicus unigenitus. In ipso uno Deo et homine, plena gratia humanitatis, plenaque divinitatis veritas agnoscitur; 726 hæc plenitudo divinitatis in seipsa plenitudinem habet gratiae, qua est [Al., quæ est] tota humanitas in divinitate sua; et plenitudo gratiae plenitudinem in se habet veritatis, qua est [Al., quæ est] tota divinitas in humanitate sua. Ita ut plenitudo veritatis plenitudinem in se habeat gratiae, et plenitudo gratiae plenitudinem in se habeat veritatis. [Sic est ergo Christus plenus gratiae et veritatis], ut sicut a divinitate plenitudo humanitatis suscepta est, ita in humanitate ejus plenitudo sit divinitatis, Apostolo testante, qui ait: In quo habitat omnis plenitudo divinitatis corporaliter (Coloss. 11, 9).

#### CAPUT III.

*Quomodo non sit Christus Filius Spiritus sancti, dum in Symbolo dicitur, de Spiritu sancto et ex Maria virgine natus?*

Illud vero movere poterit, quomodo dictum sit Christum de Spiritu sancto natum et Maria virgine, cum Filius nullo modo sit Spiritus sancti filius? An ideo dicitur de Spiritu sancto natus, quia fecit

\* Vide S. Aug. lib. 11 de Trinitate, num. 7 et 8.

A eum de Virgine nasci? Quia hoc opus mirabile totum dono [Al., donum] Dei factum est, et donum Dei proprie Spiritus sanctus dicitur. Neque enim quia mundum istum fecit Deus, dici eum fas est Dei Filium; haud enim eum oportet dicere natum de Deo, sed factum, vel creatum, vel conditum, vel institutum ab illo, vel si quid hujusmodi recte possumus dicere. Nec igitur concedendum est, quidquid de aliqua re nascatur, continuo ejusdem rei filium nuncupandum. Ut de multis exemplis hoc proferam, certe qui nascentur ex aqua et Spiritu sancto, neque filios eos recte quisquam dixerit aquæ, vel Spiritus sancti, sed plane dicuntur Filii Dei Patris et matris Ecclesie. Sic ergo de Spiritu sancto natus est Filius Dei Patris, et non Spiritus sancti. Si enim B Filius Spiritus sancti diceretur Christus secundum humanitatem, duo Patres essent in sancta Trinitate, et Deus homo factus, duos habuisset Patres, unum divinitatis, alterum humanitatis. Sed quis hoc dicere audebit?

#### CAPUT IV.

*Quomodo intelligenda sit missio Filii a Patre?*

Quærendum est quomodo intelligatur missio Filii? Pater enim solus nusquam legitur missus; de Filio quidem ita scribit Apostolus: Cum autem venit plenitudo temporis, misit Deus Filium suum, factum ex muliere, factum sub lege, ut eos qui sub lege erant, redemiret (Gal. 4, 4). Cum autem ait: Misit Deus Filium suum, factum ex muliere, satis ostendit eo ipso missum Filium, quo factus est ex muliere. Quod ergo de Deo natus est Dei Filius, in hoc mundo erat, sicut Evangelista ait: In mundo erat, et mundus per ipsum factus est (Joan. 1, 10); quod autem de Maria virgine natus est, in hunc mundum missus advenit. Nam et ipse Dominus ait: Ego a Patre exivi, et veni in hunc mundum (Joan. xvi, 28). [Ergo a Patre exire, et venire in hunc mundum] hoc est mitti. Quid igitur est quod de illo idem ipse evangelista dicit: In mundo erat, et mundus per eum factus est, et mundus eum non cognorit (Joan. 1, 10); deinde subjungit: In sua propria venit? D illuc utique missus est, quo venit. At si in hunc mundum missus est, illuc est missus, ubi erat. In mundo erat, et in mundum missus est. Quam missionem tamen opus esse sanctæ Trinitatis nulli catholicò dubitandum est.

#### CAPUT V.

*Quomodo missio sancti Spiritus sit intelligenda.*

b Sicut enim a Patre Spiritus sanctus mittitur, ita et a Filio; utrumque enim in Evangelio legitur ipso Domino dicente: Dum autem venerit Spiritus Paracletus, quem Pater mittet in nomine meo (Joan. xiv, 26). Et illud de seipso: Cum autem venerit Spiritus Paracletus, quem ego mittam in nomine Patris mei; sed ista missio per quasdam visibles ad horam facta est creature. Facta est enim quædam creaturæ species ex tempore, in qua visibiliter ostende-

\* Aeneas Paris., cap. 87.

retar Spiritus sanctus, sive cum super 727 ipsum A dominum baptizatum corporali specie columba descendit (*Math. iii, 16*) ; vel etiam corporali specie in linguis igneis visus est super apostolos descendisse (*Act. ii, 3*). Hæc operatio visibiliter expressa, et oralis oblata mortalibus, missio sancti Spiritus dicta est, non ut appareret ejus ipsa substantia, qua et ipse invisibilis et incommutabilis est, sicut Pater et Filius; sed ut exterioribus visis hominum corda commonerentur [*Al., commoverentur*] temporali manifestatione venientis, ad occultam æternitatem semper præsentis convertere.

## CAPUT VI.

*Cur solus Pater missus non legatur?*

Ideo Pater missus non legitur, quia incarnatus non creditur. Congruenter dictus est missus ille, qui in carne apparuit [misisse autem illum, qui in ea non apparuit]. Forma igitur illa suscepti hominis, Filii persona est, non etiam Patris. Quapropter Pater invisibilis una cum Filio secum invisibili, eundem Filium visibilem faciendo, misisse eum dictus est. Ita vero accepta [est] forma servi, ut maneret incomutabilis forma Dei. Quod vero in Filio apparuit carnalibus oculis, ab invisibili sancta Trinitate factum est [sicut Abraham et Moysi, et Joanni Baptista et tribus discipulis in monte].

## a CAPUT VII.

*Quare Filius nunc æqualis, nunc minor Patre dicatur?*

Ex una sententia Apostoli duæ in Filio Dei naturæ intelliguntur : una, in qua est per omnia æqualis Patri : altera, in qua minor est Patre, ubi ait : *Qui cum esset in forma Dei, non rapinam arbitratus est esse æqualis [Al., æqualem] Deo, sed semetipsum exinanivit formam servi suscipiens* (*Philip. ii, 6*), Proinde quedam ita dicuntur in Scripturis sanctis, ut minor Filius intelligatur, sicut ipse ait : *Pater major me est* (*Joan. xiv, 28*) ; quedam vero ita dicun-

\* In Cod. Vindobonensi Theol. 433, sœc. 12, caput 7 hujus libri discrepat a priori, et ita habet : « Qua discretione intelligendus sit nunc æqualis Patri Filius, nunc autem minor? »

« Quapropter cognita ista regula intelligendarum Scripturarum de Filio Dei, ut distinguamus quid in eis sonet secundum formam Dei, in qua est, et æqualis est Patri ; et quid secundum formam servi quam accepit, et minor est Patre : non conturbabimur tanquam contrarii et repugnantibus sanctorum librorum sententiis. Nam secundam formam Dei æqualis est Patri 728 et Filius et Spiritus sanctus ; quia neuter eorum creatura est, sicut jam ostendimus : secundum autem formam servi minor est Patre, quia ipse dixit : *Pater major me est* (*Joan. xiv, 28*). Minor est seipso, quia de illo dictum est : *Semetipsum exinanivit* (*Philip. ii, 7*) ; minor est Spiritu sancto, quia ipse ait : *Qui dicerit blasphemiam in Filium hominis, remittetur ei ; qui autem dicerit blasphemiam in Spiritum sanctum, non remittetur* (*Math. xi, 32*). Et in ipso virtutes operatus est dicens : *Si ego in Spiritu Dei ejicio dæmonia, certe supervenit in vos regnum Dei* (*Luc. xi, 20*). Et apud Iosaiam dicit, quam lectionem ipse in Synagoga recitavit, et de se completam sine scrupulo dubita-

tur, ut æqualis Patri ostendatur, sicut [ibi, ubi idem] ipse ait : *Ego et Pater unum sumus* (*Joan. x, 30*) ; *unum*, propter substantiæ unitatem ; *sumus*, propter personarum proprietatem. Quod diligenter debet, quid pro qua dicatur forma : cum tamen et in forma servi, et in forma Dei, idem ipse sit Filius, unus, unigenitus Dei Patris ; in forma Dei æqualis Patri, in forma servi minor Patre. Quapropter [*Al., itaque*] non immerito Scriptura utrumque dicit, et æqualem Patri Filium, et Patrem maiorem Filio. Illud enim propter formam Dei : hoc autem propter formam servi, sine ulla persona distinctione [*Al., naturali confusione*] intelligitur. In forma Dei, in principio erat Verbum ; in forma servi, B *Verbum caro factum est* (*Joan. i, 14*), id est, Deus homo factus est. In illa ex æterno æqualis [Patri] ; in ista ex tempore minor. In forma qua æqualis est Patri, fecit hominem ; in forma qua minor est Patre, factus est homo. Proinde in catholica fide sine ulla dubitatione confirmatum est hominem illum, quem suscepit sapientia Dei ex virginali utero, nihil minus habuisse quam cæteri homines, quantum pertinet ad integratatem humanæ naturæ, in qua homo creatus est, et nihil omnino ex eo, quod deceptor homini invexit. Quantum autem ad excellentiam personæ, longe aliud est quam cæteri homines, quia idem homo, una persona, cum Dei Verbo factus est.

## CAPUT VIII.

C *Quare nusquam Spiritus sanctus Patre minor legatur?*

¶ Ideo autem nusquam scriptum est, quod Deus Pater major sit Spiritu sancto, vel Spiritus sanctus minor Deo Patre, quia non est ita a Spiritu sancto columba, in qua apparuit, assumpta ; vel ille ignis, in quo descendit super apostolos, in unam personam divinitatis suæ, sicut assumpta est a Filio Dei ex virginе Maria humanitas in unam suæ deitatis personam. Neque enim columbam beatificavit Spi-

tionis ostendit, *Spiritus*, inquit, *Domini super me, propter quod unxit me ; evangelizare pauperibus misit me, prædicare captiuis remissionem, etc.* (*Luc. iv, 18 ; Isa. lx, 1*). Ad quæ facienda ideo se dicit missum, quia spiritus Domini super eum est.

¶ Secundum formam Dei omnia per ipsum facta sunt ; secundum formam servi factus ex muliere, factus sub lege. Secundum formam Dei ipse et Pater unus sunt ; secundum formam servi non venit facere voluntatem suam, sed voluntatem ejus qui eum misit. Secundum formam Dei, sicut Pater habet vitam in semetipsῳ, sic dedit ei Filio vitam habere in semetipsῳ (*Joan. v, 26*) ; secundum formam servi : *Tristis est anima mea usque ad mortem* ; et, *Pater, inquit, si fieri potest, transcal a me calix iste* (*Math. xxvi, 38-39*). Secundum formam Dei ipse est verus Deus et vita æterna ; secundum formam servi factus est obediens usque ad mortem, mortem autem crucis (*Philip. ii, 8*). Secundum formam Dei omnia, quæ habet Pater, ipsius sunt : *Et omnia tua mea sunt*, inquit, *et mea tua* (*Joan. xvii, 10*) ; secundum formam servi non est ejus doctrina ipsius, sed illius, qui eum misit. ¶

¶ Vide S. Augustinum, lib. xi de Trinitate, num. 11.

ritus [sanctus], vel illum flatum, vel illum ignem, sibique et personæ sua in unitatem habitumque conjunxit in æternum, sed apparuerunt ista, sicut opportune apparere debuerunt, creatura serviente creatori, et ad nutum ejus, qui incommutabiliter in seipso permanet, ad eum significandum et demonstrandum, sicut significari et demonstrari mortaliibus eportebat, mutata atque conversa. Quamvis Spiritus sanctus apparuisset in specie columbae vel ignis, non possumus tamen dicere Spiritum sanctum Deum et columbam, aut Deum et ignem, sicut dicimus Filium Deum et hominem. Propter has igitur corporales formas, in quibus apparuit Spiritus sanctus, missus dicitur, non propter eas minor Patre dici potest, sicut Filius propter formam servi; quia illa forma servi iuhesit illi ad unitatem personæ perpetualiter, illæ vero species corporales, id est, columba et ignis, ad demonstrandum quod opus fuit, ad tempus apparuerunt, et esse postea desisterunt.

## CAPUT IX.

*Quod aliter intelligendum sit Verbum caro factum, atque aliter Verbum Dei in quotlibet sanctorum.*

Multis modis, dicit deiloquus Paulus, *Deum locutum esse patribus in prophetis, novissimis itaque diebus locutum nobis esse in Filio suo* [Al., novissime vero] (*Hebr. 1, 1*). Et ut certissime intelligeretur, de quo Filio dixisset, mox subjunxit dicens: *Quem constituit hæredem universorum, per quem fecit et et sacerula* (*Ibid., 2*). Per illum vero, per quem omnia creavit, id est, Christum Dei Filium, locutus est C novissimis sæculi temporibus sanctis suis; quamvis Deum locutum esse in prophetis legatur [Al., legamus]. Sicut dicitur **729** principium loquendi Dominus in *Osee* (*Osee 1, 2*): vel etiam, *verbum Domini factum ad quemlibet prophetam*, sicut legitur: *Verbum Domini factum est ad Isaiam prophetam* (*Isaiæ xxxviii, 4*). Non igitur ita Christus verbum Dei habuit in se, sicut alii sancti, sed ipse est Verbum Dei. Aliud est enim Verbum in carne, aliud est Verbum caro factum; aliud est Deus in homine, aliud est Deus homo. Ideo Dei Filius non solum secundum veram divinitatem, quam habet de natura Dei Patris, sed etiam secundum carnem, quam veram naturaliter habet de corpore beatæ Genitricis, Deus verus, et creditur et prædicatur ab omnibus cathollicis: quoniam æterna divinitas Filii cum plena humanitate sua, et eadem plena humanitas Filii cum æterna divinitate sua, una est in sancta Trinitate persona; et haec non adoptiva, sed propria et perfecta, et ipse totus in divinitate atque humanitate *una unigenitus et verus Dei Filius*, idem [Al., ideo] cum Patre et Spiritu sancto, unus est Deus verus, non nuncupativus, sicut *Hispanica hæresis* impia temeritate affirmare præsumpsit, asserens Dei Filium in divina natura Deum esse verum, et in humana nuncupativum; similiter et in divina natura proprium Filium Dei, et in humana adoptivum, dividens unam personam Filii Dei cum Nestorio in

A duas personæ, id est, veri Filii Dei, et adoptivi [Al., veri Filii et adoptivi]; cum certissimum constet, in illam personam, quam habuit æternaliter de Patre genitus, Dei Filium humanam assumpsisse naturam, quam nemo catholicus fide confirmatus adoptivam esse ausus est dicere. Deus Dei Filius humanam assumpsit naturam, non personam, in æternam suscipiens personam divinitatis temporalem humanitatis substantiam. Homo transivit in Deum, non versibilitate naturæ, sed propter divinæ unitatem personæ. Ideo non sunt duo Christi, nec duo Filii, sed unus Christus, et unus Filius, Deus homo.

## CAPUT X.

*Quod nec Pater nec Spiritus sanctus, sed solus Filius incarnatus sit.*

B Quanquam una sit natura sanctæ Trinitatis, non tamen tota Trinitas incarnata est; sed sola Filii persona humanam misericorditer suscepit naturam. Nec tamen ita Dei Filius incarnatus est, ut una esset in eo natura divinitatis et carnis. Neque enim in Christo hoc deitas potuit esse quod caro, aut caro quod deitas: quia utraque natura, id est, divinitatis et humanitatis, in sua permansit proprietate. Propterea utique humanam naturam, id est, carnem rationabilemque animam non a tota Trinitate, sed a solo Filio confitemur susceptam, in unitatem quippe personæ, non in unitatem naturæ. Utique persona Filii non est eadem, quæ Patris est, aut Spiritus sancti. Unitas ergo personæ, manente duntaxat utriusque proprietate substantiæ, sicut in Christo personam non fecit duplicum, sic humanæ naturæ conceptionem non fecit sanctæ Trinitati communem. Ad personam quippe Dei Verbi tantummodo acceptio illa servilis formæ pertinet: sed nihil divinæ plenitudinis abstulit; nihil dominationis ademit in Christo humanitatis susceptio. Hinc est quod in uno eodemque Christo et humanæ naturæ veritas claret, et divinæ naturæ incommutabilitas permansit æterna. Hoc tamen sciendum est quod hanc servilem formam, quam solus Dei Filius accepit, tota Trinitas fecit. Quam tamen certum est a tota sancta Trinitate factam, ad solam Filii Dei pertinere personam. Non enim Pater carnem assumpsit, neque Spiritus sanctus, sed Filius tantum, ut D qui erat in divinitate Dei Patris Filius, ipse fieret in homine matris virginis filius, ne Filii nomen in alteram transiret personam, qui non esset nativitate filius. Dei ergo Filius, hominis factus est filius: natus secundum veritatem naturæ ex [Deo Dei Filius et secundum veritatem naturæ ex] homine hominis filius in utraque natura, non appellatione tantum, vel adoptione, sed veritate Dei Filius.

## 730 CAPUT XI.

*De eo quod Verbum Dei, suæ carnis conceptione, conceptum sit in utero Virginis.*

Solus itaque, sicut diximus, Filius Dei accepit carnem, ut possit [Al., posset] corporeis oculis videri, et corporeis manibus contrictari. Solus huma-

nam naturam sic accepit, ut suam saceret; et per illam divinitatis quoque suæ notitiam misericorditer hominibus insunderet [ *Al.*, insinuaret ]. Nec tamen ulla tenus credi debet carnem Christi sine divinitate conceptam in utero Virginis, priusquam susciperetur a Verbo; sed ipsum Verbum Deum [ *Al.*, Domini ] suæ carnis acceptione conceptum, ipsamque carnem Verbi Dei incarnatione conceptam, eamdemque carnem humanæ naturæ veram habere Dei Filium, qua de Virgine Verbum Deus natus est. Non ergo ad beatam Virginem locali motu Verbi divinitas venit, sed ineffabili potentia suæ manifestatione, et uterum matris gignendus implevit, nec dimisit Patrem, cum venit ad Virginem. Ubique totus, ubique perfectus: nec plenitudo divinitatis partiri potest, sed totus Filius in Patre, totus Filius in utero Virginis; totus Filius ex utero ejusdem beatæ Virginis carnem assumens, in qua crucifixus est, et sepultus; in qua resurrexit, et in cœlum ascendit, et in dextera Dei sedet; in qua etiam venturus est judicare vivos et mortuos; et in qua videbunt eum omnes tribus terræ; non in ea humilitate qua judicatur [ *Al.*, judicatus est ], sed in ea claritate, qua judicatur est universum mundum.

## CAPUT XII.

*De mediatore Dei et hominum, homine Iesu Christo.*

Nihilus plane veram pacem cum Deo habere poterit, nisi per mediatorem Dominum Christum, qui est in duabus naturis, verus Deus verusque homo, unus Christus, idem sacerdos et sacrificium, veniens ad nos offerre pro nobis quod sumpsit ex nobis, ut auferret a nobis quod invenit in nobis, id est, peccata. <sup>a</sup> Sicut enim diabolus mediator est ad mortem, qui superbus superbientem hominem perduxit ad mortem, ita Christus mediator ad vitam, humiliis hominem obedientem reduxit ad vitam: quia sicut ille elatus cecidit, et dejectus consentientem, sic iste humiliatus surrexit, et erexit credentem. Idcirco autem mediator, quia idem Deus atque homo verus, habens cum Patre eamdem divinitatis naturam, et humiliatis eamdem cum matre substantialiam. Habens ex nobis usque ad mortem iniquitatis nostre poenam, habens incommutabilem deo Patre justitiam. Propter nostram iniquitatem temporaliter mortuus, propter justitiam suam et ipse semper vivus, qui crucifixus est ex infirmitate nostra, sed vivit ex virtute sua ( *I Cor. XIII* ).

## CAPUT XIII.

*De eo quod in Christo sit naturarum distantia non persona; et in sancta Trinitate personarum, non naturæ.*

Neque Dei Filius, Deus æternus ex Patre, Deum deseruit Patrem, quamvis homo factus esset ex matre: sed idem qui gerebat quæ hominis sunt in terris; idem ipse gerebat in cœlis quæ Dei sunt. Sicut ipse ait in Evangelio: *Nemo ascensit in cœlum, nisi qui descendit de cœlo, Filius hominis, qui est in cœlo*

\* Vide S. Augustinum, lib. IV de Trinitate, n. 13.

( *Joan. III, 13* ). Hec loquebatur in terra Filius hominis, sed idem ipse Filius hominis erat in cœlo. Quamvis in unius corpusculi videretur latuisse angustia, tamen omnium creaturarum regebat latitudine. Nec aliis est per quem omnia creata sunt; [ aliis ] qui creatus est homo; idem ipse creator et creature: creator in divinitate, creature in humilitate. Non aliis, sed aliud, quia non una natura in eo, sed una est omnimodis persona. Non ita in sancta Trinitate dicendum est vel intelligendum; non enim fas est dicere de Patre et Filio, et Spiritu sancto, aliud, **731** quia una horum est natura; sed aliud, quia personarum distantia est in eis. In Christo itaque non est personarum distantia, sed naturalium; ideo aliis non debet dici, sed aliud de eo [ *Al.*, deo ]. Quocirca omnimodis unus est atque idem mortalis et immortalis, passibilis et impassibilis. Ideo Dominum gloriæ dixit Apostolus crucifixum ( *I Cor. II, 8* ), quamvis sola humanitas passionibus subjaceret. Crucifixus est ergo Dei Filius, sed secundum carnem, sicut in alio loco idem ait Apostolus: *Nos autem prædicamus Christum crucifixum, Judæis quidem scandalum, gentibus autem stultitiam* ( *I Cor. I, 23* ); ipsis autem vocatis Judæis et Græcis Christum Dei veritatem [ *Al.*, virtutem ] et Dei sapientiam.

## CAPUT XIV.

*De Maria Virgine, et incarnatione Verbi Dei.*

Beatus evangelista ut proprietatem unius personæ in Christo ostenderet, ait: *Verbum caro factum est* ( *Joan. I, 14* ). Verbum, quod erat apud Deum, antequam mundus esset, per quod mundus factus est; Verbum quod non amisit æternitatem suam, quamvis in tempore ex virginali utero carnem assumendo homo fieri voluisse. Quod Verbum per omnipotentiam suam voluit hunc hominem quem assumpsit, hoc fieri ex tempore, quod ipse semper fuit sine tempore, id est, proprius Filius Dei, ut non possint dici duo Filii Dei, alias ante tempora genitus, et alias natus ex tempore, sed unus Dei Filius proprius et perfectus Dominus noster Jesus Christus. Quem beata virgo Maria, salva integritate sui corporis, Deum edidit et hominem, quæ fuit lana mundissima, et virginitate clarissima, et incomparabilis universis quæ erant sub cœlo virginibus, eratque talis ac tanta, ut sola digna fieret divinitatem in se recipere Filli Dei. Sicut enim conchylii sanguinella suscipit, ut purpura ex eadem lana, imperiali majestati tantummodo digna fiat, qua nullus aliud induitur, nisi augusta prædictus dignitate: ita Spiritus sanctus superveniens in beatam Virginem, [ et ] virtus Altissimi obumbravit eam, ut lana fieret divinitate purpurata, solummodo æterno imperatori indui dignissima. Et sic facta est beatissima virgo Maria Θεοτόκος, sicut et Χριστοτόκος. Nam et ante eam fuerunt aliæ in populo Χριστοτόκαι, id est, christorum genitrices, non tamen virgines, nec

Spiritu sancto, et virtute Altissimi obumbratæ, ut dignæ Deum generare invenirentur. Hæc autem et Χριστός, et sola Θεός, et sola virgo ex Spíru sancto et virtute Altissimi concipiens, ac sic glorificata, ut Deum Dei Filium coæternum et consubstantiale Patri generaret. Virgo ante partum, virgo in partu, virgo post partum: dignum enim erat, ut Deo nascente, meritum cresceret castitatis, ne per ejus adventum violarentur integra, qui venerat sanare corrupta. Nec regnator cœli virginalis uteri dignatus [ Al., indignatus ] est angustias intrare, qui omnium creaturarum implet latitudinem, cui angelorum militia nato decantare venerat: *Gloria in excelsis Deo, et in terra pax hominibus bona voluntatis* ( *Luc. ii, 14* ).

#### • CAPUT XV.

*Quid cuique nature in Christo conveniat.*

Firmissime credere debemus sub unius personæ proprietate duarum esse in Christo naturarum insigia: non ut divisionem faciamus unius Christi, sed ut in uno Dei Filio et uno Christo duas distinguamus substantias: unam quæ initium habuit ex virginali utero, alteram quæ sine initio coæterna est Deo Patri; unam quæ ætate proficiebat et sapientia ( *Luc. ii, 52* ), alteram quæ æterna est Dei virtus et Dei sapientia. Ut de plurimis pauca dicamus, unam quæ dormiebat in nave et excitata est a discipulis, alteram quæ imperabat ventis et fluctibus ( *Matth. viii* ); unam qua [ Al., quæ, et sic in seqq. ] plorat amicum mortuum, alteram qua voce sola vocat eum de sepulcro et resuscitat ad vitam ( *Joan. xi* ); unam qua tristatur usque ad mortem ( *Matth. xxvi* ), aliam qua liberat sanctos a tristitia et dat eis gaudium vite perpetua; unam qua videntibus apostolis ascendit in cœlos ( *Act. i* ), et sedet ad dexteram Patris, alteram **732** qua de sinu Patris nunquam abscessit, sed semper cum Patre et in Patre fuit, et esse non desinit. Salva igitur proprietate utriusque nature, et in unam coeunte personam, suscepta est a maiestate humilitas, et a virtute infirmitas, ab æternitate mortalitas; et ad perficiendum opus salutis humanæ, natura incommutabilis, naturæ est unita passibili, ut mediator Dei et hominum homo Christus Jesus et mori possit [ Al., posset ] ex uno, et mori non possit ex altero. Propter unius personæ identitatem, communis Deo et homini dicitur, vel gloria vel contumelia: proinde sic in uno Christo communia naturæ utriusque inveniuntur officia, ut cum non dividatur in virtutibus atque in infirmitatibus Christus, tamen in opere aliquid utrique naturæ non sit communune. Quidquid tamen gestum est in Christo, unus hoc gerebat Christus, non duo Christi. In operibus proprietas discernitur naturarum, in potestate unitas personæ intelligitur.

#### CAPUT XVI.

*Quod divinitas hominem quem assumpsit, nunquam dimisit.*

In nulla siquidem proprietate operum quæ naturas

• Hoc caput omittitur in cod. Vindobon.

A distinguit [ Al., distinguunt ] in Christo, divinitas deseruit humanitatem, nec in ipsa etiam passione. Quod ut facilius intelligi possit, exemplis fides robora est. Verbi gratia, si securis ictu arborem [ Al., dicamus securis ictu arborem quam ] verberaveris, et splendorem in ea simul percusseris solis, arbori quidem vulnus infligis, solem vero, cuius et splendorem simul percutis et calorem, impassibilem derelinquis. Quod si arborem ictu securis percussam sol non deserit, quanto magis sanctum suum Dei Filius, quod est Verbum, in passione non deseruit, quamvis ipsa divinitas impassibilis semper in sua permaneat natura. Sicut Moysi [ Al., Moyse ] duce populi Dei vidente, rubus flammam habuit, sic vere passa est humanitas Christi; et sicut vere non incensus est, sic vere non passa est divinitas. Non tam alicubi divinitas humanitatem, ex quo in unitatem sue personæ assumpta est, deseruit; verum etiam de eodem matris utero, idem Deus homo factus exivit, et in cruce idem Deus, homo factus pendit, et in sepulcro idem Deus homo factus jacuit, sed in sepulcro secundum solam carnem idem Deus homo jacuit; et in infernum secundum solam animam descendit. Quidquid enim in Christo factum esse legitur, ab uno Christo, et ab uno Dei Filio gestum esse, nullus catholicus dubitare debet. Hæc vero omnia personaliter totus Christus dignatus est agere. Ipse quippe suas passiones invenitur operatus, qui nihil habuit quod patretur invitus. Ipse etiam et opus et auctor operis. Jam vero, cum Christus uno eodemque tempore et in sepulcro jacuit, et in infernum descendit, quis non inseparabile naturæ utriusque opus videat? Et quis in ipso uno atque inseparabili opere, propria carnis et animæ, ac divinitatis [ opera ] non evidenter agnoscat? Ut enim secundum carnem in sepulcro jaceret, totus Christus fecit? sed sepultura capax sola caro naturaliter fuit. In infernum quoque ut secundum animam Christus descenderebat, naturæ utriusque, id est, divinæ atque humanæ unum fuit opus; sed solius animæ naturalis fuit ille descensus; sicut eodem tempore, totus in cœlo et in terra, non cessabat Christus operari: at solius divinitatis fuit, et loco non contineri, et quæ ad gubernationem universitatis pertinebant, cum Patre naturaliter et æqualiter operari. Inde est quod in omnibus illis operibus passionis et mortis. auctoritas apostolica, quod totus in se operatus est Christus, sic uni personæ operantis assignat, ut quid cuius naturæ sit, indubitanter ostendat. Nam et beatus Paulus de uno eodemque Christo dicit: *Et si crucifixus est ex infirmitate, sed vivit ex virtute Dei* ( *II Cor. xiii, 4* ). Et beatus Petrus, propheticum sic protulit de Psalmis eloquium, ut Christi animam, quam in infernum neverat descendisse, ipsam diceret in inferno non derelictam ( *Act. ii, 27; Psal. xv, 10* ); qua de inferis ad carnem die tertio revertente, idem Deus secundum carnem, qua in sepulcro jacuit, de sepulcro surrexit. Et quadragesimo

post resurrectionem die idem Deus, homo factus, in eorum ascendens in dextera Dei sedet, inde in fine saeculi ad judicandum vivos mortuosque venturus.

### 733 CAPUT XVII.

*De baptismo Christi, et quod omnia quae gerebantur in Christo, nostræ salutis causa gesta sunt.*

Dicit evangelista Christum beato respondisse Baptizæ, dum ad ejus venit baptismum : *Sine modo, sic enim decet nos omnem implere justitiam* (Matth. iii, 15). Quid aliud [est], quod ait omnem justitiam implere, nisi quod in seipso totius vite nostræ ordinem ostendere voluit, ut ipse alio demonstrat in loco dicens : *Qui sequitur me, non ambulat in tenebris, sed habebit lumen vita* (Joan. viii, 12)? Baptizatus est ergo Christus, non ut ejus ulla dilueretur iniquitas, qui omnino nullam habuit, sed ut ejus magna commendaretur humilitas; ita quippe in eo baptismus quod ablueret, sicut more nihil quod puniret, invenit; qui solus itaque sic nasci potuit, ut ei non opus esset renasci: non enim renascebantur, qui baptizabantur baptismate Joannis, a quo et ipse baptizatus est. Quapropter baptismus Christi non fuit in aqua tantum sicut Joannis, sed in Spiritu sancto, in remissionem peccatorum, ipso alibi dicente : *Nisi quis renatus fuerit ex aqua et Spiritu sancto, non potest introire in regnum Dei* (Joan. iii, 5): ut de Spiritu sancto regenerati, qui in Christum credunt, habeant otium remissionem peccatorum; de quo Spiritu Christus generatus, regeneratione non eguit: qui Spiritus sanctus, eo baptizato, in specie columbae descendisse super eum visus est. Nec credendum est tunc dona eum sancti Spiritus primo suscepisse, qui a prima conceptione Spiritu sancto plenus semper existuit [Al., existit], sed ut sanctæ et individuae Trinitatis in baptismate demonstraretur mysterium. Filius Dei baptizatur in homine, Spiritus Dei descendit in columba, Pater Deus adest in voce, sine cuius invocatione, id est, sanctæ Trinitatis, nullum baptisma prodesse poterit. Ideo Dei Filius primus ipse [Al., ipso suo] suo in baptismate totam personaliter ostendere voluit adesse Trinitatem, qui sacramentorum suorum dispensatoribus erat præcepturus, *dicens omnes gentes, et baptizare eas in nomine Patris, et Filii, et Spiritus sancti* (Matth. xxviii, 15). Quidquid igitur gestum est in cruce Christi, in sepultura, in resurrectione tertia die, in ascensione in cœlum, et sede ad dexteram Dei Patris, ita gestum est, ut his rebus non mystice tantum dictis, sed etiam gestis, configuraretur vita Christiana, quæ hic geritur. Nam propter ejus crucem dictum est : *Qui autem Christi Jesu sunt, carnem suam crucifixerunt cum passionibus, et concupiscentiis* (Gal. v, 24). Propter sepulturam : *Consepulti enim estis cum Christo per baptismum in mortem* (Rom. vi, 4). Propter resurrectionem : *Ut quemadmodum Christus surrexit a mortuis in gloriam Patris, ita et nos in nobilitate vitæ ambulemus*. Propter ascensionem in cœlum, sedemque ad dexteram Patris : *Si autem consurrexisti*

A *cum Christo, quæ sursum sunt quarite, ubi Christus est in dextera Dei sedens; quæ sursum sunt sapite, non quæ super terram : mortui enim estis, et vita vestra abscondita est cum Christo in Deo* (Coloss. iii, 1).

### CAPUT XVIII.

*Quod Deus Pater quædam opera facit per Filium sibi coeterum in forma Dei, quædam per eundem Filium in forma servi, Filium hominis.*

Ipse enim Dominus de potestate, quam habet ex æterno cum Patre, et de potestate, quam accepit ex tempore in forma servi, sic ait : *Sicut enim Pater habet vitam in semetipso, sic dedit et Filio vitam habere in semetipso, et potestatem dedit ei judicium facere, quia Filius hominis est* (Joan. v, 26). Genuit itaque Deus Pater Filium vitam et potestatem in semetipso habentem. Dedit enim potestatem eidem Filio judicium facere, qui in forma servi factus est homo. Deus Pater per duas in Christo operatur naturas : per unam quæ ei communis est cum Deo-Patre, ex eo quo Deus est; per alteram, qua ex virginie Maria homo factus est. Per has duas naturas in uno Filio Dei Deus Pater, duas facit resurrectiones humani generis, id est, animarum et corporum. Habent enim et animæ 734 mortem suam in impietate atque peccatis, secundum quam mortem mortui sunt : de quibus idem Dominus ait : *Sine mortuos sepelire mortuos suos* (Luc. ix, 60), ut scilicet in anima mortui, in corpore mortuos sepelirent. Mors est videlicet animæ, quando Deus deserit eam ob peccatorum magnitudinem; corporis mors est, quando ab anima deseritur. Ab his duobus mortis generibus resuscitatos duas dicimus resurrectiones habere. Nunc autem animarum in Ecclesia per Filium Dei [Al. omitt. Dei], Verbum Dei, fit resurrectio, quando per gratiam Dei vivificantæ resurgent [Al., resurgunt] a morte iniquitatis. Et haec est prima resurrectio, quam [qui] habent, in secunda, quæ est corporum, feliciter resurgent in vitam æternam. Filius vero hominis accepit potestatem judicium facere, quod judicium in fine erit saeculi, et ibi non erit resurrectio animarum, sed corporum. Ideo ipse Dominus has duas designat in eodem loco resurrectiones : animarum, ubi ait : *Amen, amen dico vobis, quia venit hora, et nunc est, quando mortui audient vocem Filii Dei* (Joan. v, 25); corporum vero : *Veniet hora, in qua omnes, qui in monumentis sunt, audient vocem ejus* [Ibid., 28]. Hora autem nunc est, ut resurgent mortui; hora erit in fine saeculi ut resurgent mortui; sed resurgent nunc in mente, tunc in carne; resurgent nunc in mente per Verbum Dei Filium Dei; resurgent tunc in carne per Verbum Dei, carnem factum, Filium hominis. Animas ergo nunc suscitat Deus per Verbum, Filium Dei, ut vivant in Christo; corpora suscitat Deus in fine saeculi, per eundem Filium hominis, ut æternaliter vivant cum Christo. Neque enim ad judicium vivorum et mortuorum Pater ipse venturus est; nec tamen reddit a Filio Pater; quomodo ergo non ipse venturus est? Quia non ipso induitus est forma servi, nec

videbitur in judicio. Videbunt namque impii, in quem **A** compunxerunt (*Zach. xii, 10*). Forma illa erit judex, quæ stetit sub judice: illa judicabit, quæ judicata est. Judicata est enim inique, judicabit juste; talis apparebit judex, qualis videri possit et ab eis [quos coronaturus est, et ab eis, quos] damnaturus est. Forma ergo servi videbitur; occulta erit forma Dei, quæ justis videre solummodo promittitur ad æternum beatitudinis præmium.

## CAPUT XIX.

*De novissimis sæculi temporibus.*

Quædam videlicet signa, quæ ipse Dominus in Evangelio ante finem mundi futura esse prædictit, transacta leguntur; quædam vero imminentia quotidie sentiuntur. Quædam itaque needum acta sunt, sed futura esse certissime creduntur, id est, fides Israelitici populi, de qua Apostolus ait: *Cum intraverit plenitudo gentium, tunc omnis Israel salvus fiet* (*Rom. xi, 25, 26*); et regnum Antichristi et crudelitas ejus in sanctos; hac enim erit novissima persecutio, novissimo imminente judicio, quam sancta Ecclesia toto terrarum orbe patitur; universa scilicet civitas Christi, ab universa diaboli civitate; quantacunque erit utraque super terram, cuius persecutionis auctorem esse eundem Antichristum non dubium est, quem Apostolus filium nominavit *perditionis* atque *refugam*, utique a Domino Deo; qui extolleatur supra omne quod dicitur Deus, aut [quod colitur] ita ut in templo Dei sedeat, ostendens se tanquam sit Deus (*II Thess. ii, 4*). Ecclesia equidem sancta, dicitur Deus <sup>a</sup>. Colitur itaque recte tantummodo sancta Trinitas Deus: cuius honorem impiissimus ille refuga sibi vendicare [*Al.*, vindicare] præsummet. Alios adulacionibus, alias terroribus, alias signis illicitans, ut se colant pro Deo, cuius persecutionem trium semis annorum spatio, excandescere super terram in Apocalypsi prædictum est (*Apoc. xi, 12*); sed ne tam immanis, et crudelis persecutio improvisa veniens, omnes minus paratos involvat, Eliam et Enoch maximos prophetas venturos esse. Ecclesia habet fidem: per quorum doctrinam, populus Israeliticus convertetur ad fidem. Qui, cum ipsi primo tres semis annos prædicaverint, in ipsa eadem persecutione cum aliis fidelibus Christi, gloriose coronabuntur martyrio: percusso autem illo perditionis filio, et impiissimo **735** totius iniquitatis magistro, ab ipso Domino, sicut Apostolus ait: *Quem Dominus Jesus interficiet spiritu oris sui, et destruet illustrationes adventus sui* (*II Thess. ii, 8*), non continuo dies judicii secuturus esse credendus est, ut adimpleatur quod ipse Dominus in Evangelio ait: *De die autem illo et hora nemo notit, neque angeli, neque Filius, nisi Pater solus* (*Math. xxiv, 36*): quomodo haec Domini verba intelligenda sint, loco opportuno superius exposuimus.

<sup>a</sup> Locus corruptus, qui ope mss. corrigi non potuit. MSS. Reichenb. habet: « Supra omne, quod dicitur Deus, aut quod colitur Ecclesia equidem sancta, dicitur

## CAPUT XX.

*De resurrectione corporum in novissimo die.*

Ipse Dominus noster Jesus Christus in resurrectione carnis suæ, quam die tertio suscitavit de sepulcro, nobis nostræ carnis veram ostendit resurrectionem, quam videlicet absque omni dubitatione firmissime credere debemus; ut in ea carne, qua hic quisque vivebat in hac præsenti vita, in eadem resurgere debeat. Nec alicui incredibile debet esse potentiam divinam corpora nostra de eujusunque conditionis corruptione resuscitare posse. <sup>b</sup> Absit hoc a fiducia nostra dubitare, ut resuscitanda corpora vitæque reddenda, non possint omnipotentia creatoris omnia revocari [*Al.*, non possit... revocare], quæ vel bestia, vel ignis absumpsit, vel in pulverem cineremque collapsa, vel in humorem resoluta, vel in auras sunt exaltata [*Al.*, collapsum, resolutum, exaltatum]. Absit ut sinus ullus secretumque naturæ ita recipiat aliquid subtractum sensibus nostris, ut omnium creatoris aut cognitionem lateat, aut effugiat potestatem. Resurgent equidem sanctorum corpora ad gloriam, sine ullo vitio, sine ulla deformitate; in quibus tanta felicitas [*Al.*, facilitas] erit quanta et felicitas. Quamvis enim aliquid deformitatis habeant corpora eorum in hac præsenti vita, vel majus vel minus habentia, quam humanæ naturæ deceat pulchritudinem, nihil tale habebunt in illa perpetua felicitatis perfectione: in ea scilicet mensura et dignitate, qua vel futura erant, si ante perfectæ ætatis decorem moriuntur, sive etiam haberent ante vergentis ad infirmitatem ætatis annos, membrorum omnium pulchritudine congruo decore servata, ita ut nihil incongruum habebunt [*Al.*, habent] in ulla corporis parte, quia spiritale erit corpus non carnale. Quamvis caro sit non spiritus, non tamen carnalibus subjecit [*Al.*, subjecetur] vitiis, de quibus Apostolus ait: *Quia caro et sanguis regnum Dei non possidebunt* (*I Cor. xv, 50*). Procul erit ab eis omnis infirmitas, omnis deformitas, omnis tarditas, omnis corruptio, omnis egestas, omnis indigentia, et si quid aliud [quod illud] summi regis non decet regnum in quo resurrectionis et promissionis filii æquales erunt angelis Dei (*Math. xxiii, 30*). Ergo quidquid de corporibus vivis, vel post mortem de cadaveribus perit, humanosque effugit visus, simul cum eo, quod in sepulcris remansit, in spiritu corporis novitatem [*Al.*, novitate], ex animali corporis vetustate mutatum, resurget incorruptione atque immortalitate vestitum. Resurgent et impii unusquisque cum sua carne, ut cum diabolo et angelis ejus puniantur. Utrum sane ipsi cum vitiis, et deformitatibus eorum corporum resurgent, quæcunque in eis vitiosa et deformia membra gestaverunt, inquirendo laborare quid opus est? Neque enim falligare nos debet incerta eorum habitudo, vel pulchritudo.

Deus. »

<sup>b</sup> Vide S. Augustinum, lib. xxii De Civ. Pcl., cap. 20.

tudo, quorum erit certa et sempiterna damnatio. **A**  
Hoc certissime sciendum est, quia nemo nisi per  
indelictam misericordiam Dei liberabitur: et nemo  
nisi per debitum iudicium damnabitur. Tunc sancti  
scient plenius, quid boni eis contulerit gratia; vel  
quid essent consecuti [Al., consecuturi], si divina  
eos gratuito munere non elegiaset misericordia;  
et quam verum sit, quod in Psalmo canitur:  
*Misericordiam et iudicium cantabo tibi, Domine* (Psal. c, 1).

## CAPUT XXI.

*De justorum præmio, et pœna peccatorum.*

De igne diei iudicij Apostolus ait: *Uniusenjusque opus quale sit, ignis declarabit* (I Cor. iii, 13). De igne purgatorio hoc eum dixisse non est dubitandum, quem igitur aliter impii sentient, aliter sancti, aliter justi. **B** Impii siquidem de illius ignis cruciata ad perpetuas ignium flamas detrudentur. Sancti vero, qui sine omni **736** peccatorum macula in corporibus suis resurgent, qui supra fundamentum, quod est Christus, aurum, argentum et lapides pretiosos ædificaverunt, tanta facilitate illum pervolabunt ignem, quanta integritate fidei, et dilectionis Christi in hac vita custodierunt præcepta, eritque illis ille ignis diei iudicij, sicut tribus pueris caminus Babylonie fornacis fuerat, qui absque omni flammarum lesione in Domini laudes omnium pulchritudinem creaturarum convocabant. Sunt ergo quidam justi imputis quibusdam peccatis obnoxii, quia [Al., qui] ædificaverunt supra fundamentum, quod est Christus, senum, ligna, stipulas, quæ illius ignis ardore purgantur, a quibus mundati, æternæ felicitatis digni efficiuntur gloria. Illoque transitorio igne, et toto extremi diei iudicio completo, dividetur dux congregations, sanctorum et impiorum; una Christi, altera diaboli; una bonorum, altera malorum: utraque angelorum et hominum. Istis voluntas, illis facultas non poterit ulla esse peccandi, nec ulla conditio moriendi; istis in æterna vita vere feliciterque viventibus, illis infeliciter in æternis tormentis sine moriendi potestate durantibus. Quoniam utique extremini iudicij ventilabrum discernit [Al., discernet] frumenta a paleis; unusquisque secundum modum meritorum aut damnabitur, aut coronabitur. Quidam videlicet juxta peccatorum qualitatem mitius torquentur, qui minore [Al., minorum] scelerum pondere gravantur. Sunt etiam et sanctorum merita diversa; quorum quisque secundum meritorum magnitudinem æternæ recipiet præmia beatitudinis. **C** Quod ipse Dominus in Evangelio significabat dicens: *In domo Patris mei mansiones multæ sunt* (Joan. xiv, 2); sed nemo in illis alicujus latitiae, vel beatitudinis sentiet detrimentum, quia unicuique sufficiet, quod accipiet, quia Christus erit omnia in omnibus (Coloss. iii, 11).

\* Hic titulus deest in aliis codd. mss. Ipsa quoque invocatio ad SS. Trinitatem in cod. ms. Tegernseensi et in editis quibusdam hic omittitur, symbolum vero:

## CAPUT XXII.

*De æterna beatitudine sanctorum.*

Quid vero acturi sint sancti in illa requie summa beatitudinis, Psalmista exposuit dicens: *Beati qui habitant in domo tua, Domine, in æcum laudabunt te* (Psal. lxxxiii, 5). Et expressius ipse Dominus in Evangelio demonstravit, [ubi ait]: *Beati mundo corde, quoniam ipsi Deum videbunt* (Matth. v, 8). Ille [est] absque onni perturbatione *beata* Dei pax, quæ exsuperat omnem sensum, in qua videbitur Deus deorum in Sion, id est, in speculo perpetuae quietis. Omnia quippe membra et viscera incorruptibilis corporis, quæ nunc videmus per usus necessitatis distributa habere ministeria, proficiunt laudibus Dei, quia nulla erit illis tunc necessitas laborandi, nulla cujuslibet indigentiae molestia, sed plena certaque securitas et sempiterna felicitas et indeficiens latitia. Quam ineffabilis erit felicitas illa ubi nullum erit malum, ubi nullum deerit bonum! Vacabitur Dei laudibus, qui erit omne bonum in omnibus. Unus amor omnibus, una concordia cunctis, verus honor, qui nulli negabitur digno, nulli deferetur indigno. Nec ad eum perveniet ullus indignus, ubi nullus permittitur [Al., permittetur] esse nisi dignus, ubi pax, ubi nihil adversum a seipso quisque, nec ab aliquo patietur; præmium virtutis erit ipse, qui virtutem dedit; et qui seipsum, quo melius et majus nihil possit esse, promisit, qui erit beata satietas omnibus; quod Propheta Spiritu inspiratus sancto prævidit optando inquiens: *Satior dum manifestabitur gloria tua* (Psal. xvi, 15). Tunc erit ipse Deus sanctorum satietas, beatorum jucunditas, et omnia quæcunque ab eis honeste desiderari possunt, et vita, et salus, et virtus [Al., virtus], et copia, et gloria, et honor, et pax, æterna beatitudo, et beata æternitas. Ipse erit perfectio desideriorum nostrorum, qui sine fine videbitur, sine fastidio amabitur, sine fatigatione laudabitur. Tunc tantum erit vera immortalitas, ubi nullus mori potest. Prima conditio hominis fuit posse non mori [cui propter peccati pœnam contigit non posse non mori]: restat in illa felicitate illud tertium, non posse mori. Tunc plene erit liberum arbitrium, quod primo homini fuit sic datum, posse non peccare; sed illud beatus erit, quando tale erit, non posse peccare. Tunc sabbatismus [Al., sabbatissimus] æterna quietis dies **737** omnibus sanctis erit; ibi videbitur qui amabitur, et qui amabitur, laudabitur. Nunc ergo qui nobis hujus sermonis initium et causa fuit, sit etiam perfectio et finis; pro cuius amore legentes flagitamus, pro nobis apud ejus intercedere misericordiam, ut cum eis, eo miserante, mereamur ad illud pervenire regnum cuius nullus est finis. Amen.

\* INVOCATIO AD SS. TRINITATEM, ET FIDEI SYMBOLUM EJUSDEM.

Adsto, lumen verum, Pater, omnipotens Deus.

Credimus, ut infra, statim in fine hujus ultimi capituli ponitur.

- Adesto lumen de lumine, Verbum et Filius Dei, **A** Deus omnipotens.
- Adesto sancte Spiritus, Patris et Filii concordia, Deus omnipotens.
- Adesto, Deus unus omnipotens, Pater, et Filius, et Spiritus sanctus.
- Doce fidem, excita spem, infunde charitatem.
- Velle mihi adjacet, sed hoc non a me, sed a te, Mundum, et terras linquere, et coelum petere.
- Sed imbecilla pluma est, velle sine subsidio tuo.
- Da fidei pennas, ut volem sursum ad te.
- Hanc fidem in te, per te, de te confiteor.
- Te unum in substantia, Trinitatem in personis confiteor.
- Te semper idem esse, vivere, et intelligere confiteor.
- Et tres unum, et unum tres confiteor.
- Pater et Filius et Spiritus sanctus, o beata Trinitas.
- Deus, Dominus, Paracletus, o beata Trinitas.
- Charitas, gratia, communicatio, o beata Trinitas.
- Charitas Deus est, gratia Christus, communicatio Spiritus sanctus, o beata Trinitas.
- Genitor, genitus, regenerans, o beata Trinitas.
- Verum lumen, verum lumen ex lumine, vera illuminatio, o beata Trinitas.
- Invisibilis Invisibiliter, visibilis invisibiliter, invisibilis visibiliter, o beata Trinitas.
- Fons, flumen, irrigatio, o beata Trinitas.
- Ab uno omnia, per unum omnia, in uno omnia, o beata Trinitas.
- A quo, per quem, in quo omnia, o beata Trinitas.
- Vivens vita, vita a vivente, vivificator viventium, o beata Trinitas.
- Unus a se, unus ab uno, unus ab ambobus, o beata Trinitas.
- <sup>a</sup> Ον a se, ζω ab altero, ζω ab utroque, o beata Trinitas.
- Omne autem ζω semper in tribus, et omne ζω æ qualiter in singulis, o beata Trinitas.
- Verax Pater, veritas Filius, veritas Spiritus, o beata Trinitas.
- Una igitur Pater, λογός, Paracletusque substantia **D** est, o beata Trinitas.
- Una essentia, una virtus, una bonitas, o beata Trinitas.
- Deus beatitudo, in quo, et a quo, et per quem beata sunt quæcunque beata sunt omnia, o beata Trinitas.
- <sup>a</sup> Citatur ab Aenea Parisiensi, cap. 88.
- <sup>b</sup> In editione Basileensi Homiliarii anno 1496 omis sa invocatione S. Trinitatis habetur sequens Symbolum sub titulo : *Recapitulatio*. In cod. Vindob. *Confessio de sancta Trinitate*. In cod. Bibl. S. Germani Parisiensis hæc habetur inscriptio : *Lectiones de S. Trinitate*, hoc est, in festivitate S. Trinitatis legi consuetæ. Hujus Symboli initium sub Alcuini nomine laudatur ab Aenea episcopo Parisiensi, qui Carolo Calvo imperante floruit, in libro adversus Græcos de
- Deus vera et summa vita, in quo et a quo, et per quem vivunt quæcunque vere, summeque vivunt omnia, o beata Trinitas.
- Deus bonus et pulchrum in quo, et a quo, et per quem bona et pulchra sunt, quæcumque bona et pulchra sunt omnia, o beata Trinitas.
- Deus cui nos fides excitat, spes erigit, charitas jungit, o beata Trinitas.
- Deus qui petere jubes, et invenire facis, et pulsantibus aperis, o beata Trinitas.
- Deus supra quem nihil, extra quem nihil, sine quo nihil, o beata Trinitas.
- Deus sub quo totum, in quo totum, cum quo totum, o beata Trinitas.
- Te invocamus, te adoramus, te laudamus, o beata Trinitas.
- Exaudi, exaudi, exaudi, o beata Trinitas.
- Spes nostra, salus nostra, honor noster, o beata Trinitas.
- Auge in nobis fidem, auge spem, auge charitatem, o beata Trinitas.
- 738** Libera nos, salva nos, justifica nos, o beata Trinitas.
- Miserere, Domine, quia misericordia tua liberavit nos, o beata Trinitas.
- Miserere, Domine, quia misericordia tua credimus in te, o beata Trinitas.
- Miserere, Domine, quia misericordia tua cognovimus te, o beata Trinitas.
- Miserere, Domine, quia misericordia tua speramus in te, o beata Trinitas.
- Miserere, Domine, quia misericordia tua amamus te, o beata Trinitas.
- Te adoramus cuncti unum Deum Patrem, et Filium, sanctumque Spiritum, o beata Trinitas.
- Da peccatis veniam, praesta æternam vitam, dona pacem et gloriam, o beata Trinitas.
- O beata, et benedicta, et gloria Trinitas, Pater, et Filius, et Spiritus sanctus [o beata Trinitas].
- O beata, benedicta, gloria unitas, Pater, Filius, Spiritus sanctus, [o beata Trinitas].
- O vera, summa, sempiterna Trinitas, Pater, et Filius, et Spiritus sanctus, [o beata Trinitas].
- O vera, summa, sempiterna unitas, Pater, Filius, Spiritus sanctus [o beata Trinitas].
- Miserere nobis, miserere nobis, miserere nobis, o beata Trinitas.
- Tibi laus, tibi gloria, tibi gratiarum actio in sæcula sempiterna, o beata Trinitas <sup>a</sup>.
- <sup>b</sup> Credimus sanctissimam [A., sanctam] Trinitatem, id est, Patrem, et Filium, et Spiritum sanctum, processione Spiritus sancti apud d'Acherium Spicil. tom. I nov. editionis pag. 131. Græcum ejusdem exemplar Joannes Leuclavius reperit in bibliotheca Sambuci sub nomine Hilarii episcopi Pictaviensis ; illudque suo stylo Latine traductum tanquam novum S. Hilarii opus Basileæ anno 1578 typis vulgavit : quod deinde D. Coustant et Socii Veronenses in Appendicem Operum S. Hilarii rejecerunt, et Alcuino asseruerunt. Textum genuinum hic damus, ad plures codd. mss. emendatum.

anum Deum omnipotentem, unius substantiae, unius essentiae, unius potestatis, creatorem omnium creaturarum; a quo omnia, per quem omnia, in quo omnia. [Credimus] Patrem a seipso, non ab alio; Filium a Patre genitum, Deum verum de Deo vero, lumen verum de lumine vero: non tamen duo lumina, sed unum lumen. Spiritum sanctum a Patre et Filio æqualiter procedentem; consubstantialem, coæternum Patri et Filio. Pater plenus Deus in se, Filius plenus Deus a Patre genitus, Spiritus sanctus plenus Deus a Patre et Filio procedens. Non tamen tres deos dicimus, sed unum Deum omnipotentem, æternum, invisibilem, incommutabilem, qui totus ubique est, totas ubique præsens: non per partes divisus, sed totus in omnibus non localiter, sed potentialiter. Qui sine communicatione sui, mutabilia creavit et creata gubernat, semper manens quod est. Cui nihil accidens esse poterit, quia simplici divinitatis naturæ nil addi, vel minui potest, quia semper est quod est, cui proprium est, cui sempiternum est, cui idem est, esse, vivere, et intelligere. Et hæc tria unus Deus, et unus Deus hæc tria; idem Deus et Dominus [Ms. Sanct-Germ.]: Et hæc tria unus Deus et unus Dominus; hæc tria idem Deus et Dominus, etc.] vera et sempiterna Trinitas in personis, vera et sempiterna unitas in substantia, quia una est substantia Pater, et Filius, et Spiritus sanctus. Hæc vero sancta Trinitas, nil majus est in tribus personis simul nominatis quam in una qualibet persona semel dicta; quia unaquæque persona plena est substantia in se, non tamen tres substantiae, sed unus Deus, una substantia, una potentia, una essentia, una æternitas, una magnitudo, una bonitas Pater, et Filius, et Spiritus sanctus. Nec aliud est Pater in natura quam Filius vel Spiritus sanctus; nec aliud Filius, et Spiritus sanctus quam Pater in natura, quibus est una natura. Sed alias est Pater in persona, alias Filius in persona, alias Spiritus sanctus in persona. In Patre æternitas [Ms. Sanct-Germ. ; in Patre manet æternitas], in Filió æqualitas, in Spiritu sancto æternitatis æqualitatisque connexio. Unum omnes in substantia, et essentia, omnipotentia, et deitate. **739** • Sicut enim eadem sancta Trinitas inseparabilis est in substantia, ita inseparabilis est D

• Ex sancto Augustino, de Doctrina Christiana, lib. I, cap. 5.

## MAGISTRI ALBINI FLACCI ALCUINI DE TRINITATE AD FREDEGISO QUÆSTIONES XXVIII.

Desideratissimo filio Fredegiso Albinus salutem.  
Placuit prudentiae vestrae, fili charissime, aliquas proponere mihi ad solvendas de sanctissima [Al., sancta] Trinitate quæstiones, quibus fortassis vestrae aures sapientiae inquietare [Al., inquietari] putamus. Nec ulla tenet eruditio vestram, et in catholica fide puritatem, minus aliquid in talibus intellectuisse reor, dum maxime divina operante gratia ab incunete

A in operibus, quamvis quædam opera Dei quibusdam personis specialiter convenient; sicut Patri vox illa, quæ de cœlo sonuit super Christum baptizatum; et ad Filii personam humanitatis tantummodo pertinet susceptio; et Spiritus sancti personæ proprie congruit illa columba, in cuius specie idem Spiritus sanctus descendit super eumdem Filium Dei secundum hominem baptizatum: tamen absque omni dubitatione illam vocem, et illam columbam, et Christi humanitatem tota sancta Trinitas operata est, cuius opera inseparabilia sunt. Credimus eumdem Filium Dei, Verbum Dei æternaliter natum de Patre, consubstantialem Patri per omnia, temporaliter natum de Spiritu sancto et Maria semper [Vox semper in aliquibus editis omittitur] virgine, duas habentem nativitates, unam ex Patre æternam, alteram ex matre temporalem; qui etiam Filius Dei sue carnis conceptione conceptus est, et sue carnis nativitate natus est. Deum vero [Al., verum] constemur conceptum, et Deum verum natum, eumdem verum Deum et verum hominem, unum Christum, unum Filium Dei unigenitum, proprium et perfectum in duabus naturis, in unius personæ singularitate. Impassibilem et passibilem, mortalem [Ms. Sanct-Germ., invisibilem et passibiliter mortalem mendose] atque immortalem, crucifixum in infirmitate nostra, eumdemque semper viventem in virtute sua. Qui mortuus est carnis suæ morte, et sepultus; atque ab inferis, damnato et spoliato principe totius iniquitatis, rediens, tertia die resurrexit, atque cum triumpho C gloriae videntibus discipulis cœlum ascendit, sedens in dextera Patris, id est, majestate divinitatis. Inde jam venturus judicare vivos et mortuos, quem impii videbunt judicantem in ea forma qua crucifixus est; non in ea humilitate qua injuste judicatus est, sed in ea claritate qua justè judicaturus est mundum. Cujus [majestatis] visio æterna erit omnium sanctorum beatitudo et gloria. Gratia, et pax a Deo Patre et Filiō ejus Iesu Christo Domino nostro sit ista consilenti in omnia sæcula sæculorum.

*Ex mss. et edit. [Explicit liber III de sancta Trinitate, quam excerptis Alcuinus de libris sancti Augustini.]*

virilis robore sensus tecum hoc egi, ut robustus prædicator et insuperabilis doctor in fide sanctissimæ Trinitatis esse videreris; cui non deesse, juxta apostolicam prophetiam, contradictores olim prioribus et nunc nostris probatum habemus temporibus: sed satis benigne suscipio, quicunque [Al., quæcumque] est, de hujusmodi rebus interrogantis devotionem, at magis laudo hanc [Al., hæc] prædicantis instan-

tiam, quia parum prodest discendi devotio, sine descendendo studio, juxta sententiam Salomonis : *Thesaurus inrisus et sapientia abscondita, quæ utilitas in utrisque* (Eccli. xli, 17) ? Quocirca tota debet esse cura bene intelligenti in docendo, ne frustra laboret [Al., laboraret] in discendo : quia sicut in Propheta legitur : *Qui multos erudiunt, sicut firmamentum in perpetua fulgebunt claritate* (Dan. xii, 3).

*Interrogatio 1.* Quomodo Deus vere sit Unitas, et vere Trinitas? — *Resp.* Unitas in substantia, Trinitas in personis.

\* *Interrogatio 2.* Quid sit proprium uniuscujusque personæ in sancta Trinitate? — *Resp.* Proprium est Patris, quod solus est Pater; et quod ab alio non est **740** nisi a se. Proprium est Filii, quod a Patre genitus est, solus a solo, coæternus et consubstantialis genitori. Proprium est Spiritus sancti, quod non [Al., nec] ingenitus, nec genitus est, sed a Patre et Filio æqualiter procedens.

*Interrogatio 3.* Quare Spiritus sanctus ingenitus vel genitus non dici debet? — *Resp.* Quia si ingenitus diceretur sicut Pater, duo Patres; si genitus, duo Filii sciamari possent in sancta Trinitate.

*Interrogatio 4.* Utrum solus Pater, aut solus Filius, aut solus Spiritus sanctus per se plenus Deus et perfectus dici debet? — *Resp.* Utique Pater per se est plenus Deus, similiter et Filius plenus Deus si solus nominetur, et Spiritus sanctus plenus Deus creditur.

*Interrogatio 5.* Si unaquæque persona per se plenus Deus dici potest, quare non tres Deos dicimus Patrem, et Filium, et Spiritum sanctum? — *Resp.* Quia una substantia est Pater, et Filius, et Spiritus sanctus, non tres substantiae. Proinde unitas substantiae tres Deos prohibet dicere vel credere.

*Interrogatio 6.* Dum tres personas dicimus Patrem, et Filium, et Spiritum sanctum, quare non tres Deos, nec tres omnipotentes, nec tres magnos, nec tres bonos dicere fas est? — *Resp.* Quia Deus et omnipotens, et magnus, et bonus, et æternus, substantia nomina sunt, et ad se dicuntur; ideo non licet ea plurali numero dicere, sed singulari; et omne non unum, quod substantiam Dei vel essentiam significat, semper singulari numero proferendum est. Pater, et Filius, et Spiritus sanctus, relativa sunt nomina, et deo tres personæ recte dicuntur.

*Interrogatio 7.* Quomodo relativa? — *Resp.* Secundum dialecticam relativa nomina sunt, quæ ad aliud aliquid referuntur, sicut dominus ad servum, et servus ad dominum, pater ad filium, et filius ad patrem. Prorsus cum dico Pater, Filium [simil] significo, quia non est Pater nisi Filius sit cui sit Pater. Item non est Filius nisi sit Pater cui sit Filius.

*Interrogatio 8.* Utrum Spiritus sanctus relativa vel substantialiter dicatur? — *Resp.* Utique relativa, quia Spiritus alicujus Spiritus est, sed non sicut Pater et

A Filius, relationis regula tenetur [Al., regule tenentur] in eo.

*Interrogatio 9.* Quare æqualem non habet relationis regulam Spiritus sanctus, sicut Pater et Filius? — *Resp.* Quia circumferri potest Patris et Filiæ nomen ad invicem, ut si dicamus, Pater Filii Pater, et Filius Patris Filius, non ita duplex relationis circumversio [Al., duplœ... circumversionem] in nomine sancti Spiritus inveniri potest.

*Interrogatio 10.* Qua necessitate accidit ut ita non circumferri possit Spiritus sancti relatio? — *Resp.* Recte dicere possumus Spiritum sanctum Patris et Filii Spiritum, sed converso ordine non possumus dicere Patrem Spiritus sancti, sicut dicimus Patrem Filii, ne duo Filii in sancta Trinitate æstimarentur. Item non possumus dicere Filium Spiritus sancti, sicut dicimus Filium Patris, ne duo Patres in sancta Trinitate intelligentur. Dicimus itaque Spiritum sanctum Patris et Filii, sine reciprocatione conversionis non minum relativorum.

*Interrogatio 11.* Utrum inseparabilia sint opera sanctæ Trinitatis? — *Resp.* Utique quidquid Deus operatur, totum sancta Trinitas inseparabiliter, hæc eadem operatur opera; quia una est sanctæ Trinitatis operatio, sicut una est substantia, essentia, et voluntas.

*Interrogatio 12.* Utrum sancta Trinitas in personis separabilis vel inseparabilis dicenda sit, dum alius est Pater, alius Filius, alius Spiritus sanctus? — *Resp.* Vere alius est Pater quam Filius in persona, sicut C Filius alius est in persona quam Pater, et Spiritus sanctus alius est in persona quam Pater et Filius. Non tamen aliud ille, vel ille in natura, vel in deitate, aut in essentia. Nec enim Patrem potes dicere, nisi Filium intelligas; nec Filium dicere, nisi Patrem intelligas; nec Spiritum sanctum, nisi intelligas cuius Spiritus sit. Quocirca omnimodo inseparabilis est sancta Trinitas sicut in operibus, sic etiam in personis dicenda.

**741** *Interrogatio 13.* An [Al., Si] ad solam Patris personam pertineat, ubi [Al., quod] dicitur : *Qui facit miracula magna solus* (Psal. lxxi, 48). Et Apostolus : *Qui solus habet immortalitatem* (I Tim. vi, 16)? — *Resp.* Nullatenus ad solam Patris personam pertinet, dum dicitur solus Deus, sive in Novo, sive in Veteri Testamento, et quod Deus solus sive hoc sive illud habeat, vel faciat; sed ad totam sanctam Trinitatem, quæ est unus Deus omnipotens, omnia faciens, quæ sunt in cœlo et in terra.

*Interrogatio 14.* Quomodo beatus Joannes evangelista dicit : *Deum nemo videt unquam* (Joan. i, 18); et ipse Dominus in alio alio loco : *Beati mundo corde, quoniam ipsi Deum videbunt* (Matth. v, 8); et Apostolus invisibilis Deum dicit (I Tim. i, 17)? — *Resp.* Videri enim potest Deus, id est, intelligi, secundum suæ donum gratiæ, sive ab angelis, sive ab animabus sanctorum : plenam vero divinitatis naturam, nec angelus quislibet [Al., quisquam], nec sanctorum

aliquis perfecte intelligere poterit. Ideo incompre-  
hensibilis dicitur Deus.

*Inter.* 15. Cum sanctis summum promittitur præ-  
mium æternae Dei visio, æqualiter videbunt vel in-  
telligent? — *Resp.* Nullatenus æqualiter omnes, vel  
angeli vel animæ sanctorum Deorum nee [Al., vel] nunc  
vident, vel post resurrectionem videbunt, sed secun-  
dum donatoris dispensationem, et meritorum quali-  
tatem. Unusquisque tamen sufficientem in ejus vi-  
sione suis meritis habebit beatitudinem. Nec plus  
quæret quam habet, nec se minus habere quam vo-  
let, dolebit.

*Inter.* 16. An aliquid distet in Deo, esse, vivere,  
intelligere, posse? — *Resp.* Nullatenus aliud est in  
Deo esse, aliud vivere, vel aliud intelligere, vel aliud  
posse; quia Deus eo ipso quo est, vivit; et eo quo  
vivit, intelligit; et eo quo intelligit, potest; et eo  
quod potest, est; quia simplex deitatis natura unum  
habet, est, vivit, intelligit, et omnia potest. Non ita  
in nobis, dum aliud est in nostra natura vivere, aliud  
intelligere, aliud posse. In Deo vero hæc omnia unum  
atque idem sunt.

*Inter.* 17. Utrum de Dei Filio, sicut dicitur lumen  
de lumine, Deus de Deo, potest dici omnipotens de  
omnipotente, bonus de bono, magnus de magno, et  
cætera talia? — *Resp.* Regulariter utique tenere de-  
bemus quod omnia naturæ nomina quæ æqualiter de  
Filio dici possunt sicut de Patre, omnia possunt dici  
sic de illo. Ideo sicut dicitur Deus de Deo, lumen de  
lumine, ita dicendum est omnipotens de omnipotente,  
bonus de bono, magnus de magno, sed non ita in re-  
latiuis.

*Inter.* 18. Sed quomodo in relativis nominibus di-  
cendum est? — *Resp.* Non possumus dicere Verbum  
de Verbo, quia relatiuum nomen est Verbum, quod  
solus est Filius; sicut dicimus, Deum de Deo, quod  
non est solus Filius. Nec imaginem de imagine, quia  
solus est Filius imago: sicut dicimus, lumen de lu-  
mine, quod non est solus Filius, quia substantiale  
nomen est lumen.

*Inter.* 19. Nunquid aliud lumen Pater et aliud Fi-  
lius? — *Resp.* Nequaquam aliud, sed unum lumen  
est Pater et Filius, sicut una substantia. Ideo recte  
dicitur [Al., dicimus] lumen de lumine, sicut Deus de  
Deo. Sicut unus Deus est Pater, et Filius, ita unum  
lumen est.

*Inter.* 20. Legimus Apostolum dicentem Christum  
Dei esse virtutem et Dei sapientiam; hic intelligimus  
in Dei nomine Patrem, et in Christi nomine Filium,  
sicut semper. Nunquid Pater non habet in se sapien-  
tiam vel virtutem nisi in Filio, quem Apostolus sa-  
pientiam Dei et virtutem Dei nominavit? — *Resp.*  
Plurimi ita Arianam destruunt impietatem, dicentes  
impium esse credere unquam Deum Patrem esse sine  
sua sapientia, aut sine sua virtute. Sed melius est  
intelligere Patrem esse sapientiam et virtutem, sicut  
Filium sapientiam et virtutem [imo et Spiritum san-

ctum sapientiam et virtutem]; **742** non tamen tres  
virtutes, nec tres sapientias, quia sapientia substancialis  
nomen est, sicut virtus. Nec aliud est in Deo esse,  
aliud sapere, aliud posse; sed unum est Deo esse, sapere, posse.

*Inter.* 21. Utrum ad solam sancti Spiritus perso-  
nam pertineat, dum Apostolus dicit: *Deus caritas*  
*est* (*I Joan.* iv, 8), qui [Al., quæ] dilectio Patris et  
Filiæ esse legitur? — *Resp.* Nullatenus ita Spiritus  
sanctus charitas intelligitur, quasi non sit Pater et  
Filius charitas. Siecum Spiritus sanctus est charitas, ita  
et Pater est charitas [et Filius est charitas,] non  
tamen tres charitates, sed una charitas. Sed quia  
Spiritus sanctus donum Dei proprie dicitur, et nullum  
Dei donum charitate magis est, imo sine eo nullum  
donum ad perpetuam hominem deducere poterit  
beatitudinem: proinde Spiritus sanctus proprie dicitur  
charitas.

*Inter.* 22. Nunquid impii dona Dei habent? — *Resp.*  
Habent [utique] per eum, qui illuminat omnem ho-  
minem venientem in hunc mundum, in quo sumus,  
movemur et vivimus (*Act. xvii.*, 28): bona sunt enim  
dona Dei eis qui bene utuntur illis. Ideo charitas singu-  
lare est in sanctis donum, in qua Filius Dei discri-  
nuntur a filiis impietatis.

*Inter.* 23. Quare si Deus totus ubique est, in cœlo  
dicitur magis habitare, quam in terra? — *Resp.* Quia  
major cognitio est in sanctis angelis, animabusque  
sanctorum divinitatis, cum sint apud Deum, in coelis  
quam in terris. Sicut enim in hoc mortali corpore  
quidam magis intelligunt divinam substantiam,  
quidam minus, ita et in cœlo magis dicitur Deus  
esse quam in terra, quia plenius ejusdem substanc-  
tia intelligitur ab habitatoribus cœli quam terre  
incosciis.

*Inter.* 24. Si una substantia est Pater, et Filius,  
et Spiritus sanctus, quare solus Filius incarnatus  
dicitur? — *Resp.* Quia alia est persona Filii, alia  
Patris, alia Spiritus sancti. Et sola siquidem persona  
Filii incarnata est: operante tamen eamdem incarna-  
tionem tota sancta Trinitate, cujus opera sunt inse-  
parabilia.

*Inter.* 25. Dum in Symbolo catholico cantari so-  
let, Dei Filium de Spiritu sancto, et Maria virgine  
incarnatum, quare non dicitur Filius Spiritus sancti,  
sicut dicitur beata virginis? — *Resp.* Non sic de illo,  
sicut et de illa natus est Filius Dei. De illa siquidem,  
id est, sancta virgine natus est Filius Dei, sicut  
de matre; non de illo, id est, Spiritu sancto, sicut  
de Patre, ne duo Patres dicerentur in sancta Tri-  
nitate.

*Inter.* 26. Si una natura est Patris et Filii, et Fi-  
lius incarnatus plenus est Deus et perfectus, quo-  
modo non Pater incarnatus est? — *Resp.* Filius plenus  
est Deus et perfectus; qui solus incarnatus est,  
et homo factus est. Nam ignis una est substantia,  
sed aliud in igne facit calor, aliud lux: lux illuminat  
visio. — *Inter.* An æqualiter videbunt, vel intelli-  
gent?

<sup>a</sup> Ms. Sal. et al. « *Inter.* 15. Quod sanctis sum-  
mum promittitur præmium? — *Resp.* Æterna Dei

calor calefacit [Al., calificat]; una tamen ignis natura utrumque facit, et calorem et lucem.

• *Inter. 27.* Utrum divinitas cum carne concepta sit, nata, passa, et cætera quæ humanitatis propria esse noscuntur? — *Resp.* Utique divinitas suæ carnis conceptione concepta est, et nativitate nata, sensuque participatione humani affectus mortem, quam sponte susceperebat; non naturæ suæ potentiam perdens, per quam cuncta vivificat. Ipse auctor, et opus auctoris. Idem auctor, quia si sponte natus est, sponte passus est. Idem opus, quia utrumque unus licet non alio

• Hæc interrogatio omissa est in orthodoxographia.

A cogente, solus tamen ipse perpetitur, salva divinitatis impassibilitate.

*Inter. 28.* Ex qua natura dixit: *Potestatem habeo ponendi animam meam?* — *Resp.* Omnia quæ in Christo gesta sunt, operum auctoritas ex divinitate est: tamen carni convenit dicere: *Potestatem habeo ponendi animam meam* (*Joan. x, 18*), non divinitati. Divinitas non dimisit animam, postquam assumpsit eam in utero virginis. Caro dimisit, dum emitit in cruce spiritum Christus.

## 743 OPUSCULUM SECUNDUM, SEU LIBELLUS DE PROCESSIONE SPIRITUS SANCTI. AD CAROLUM MAGNUM.

### MONITUM PRÆVIVUM.

Libellum quem hic vulgamus, a viro clarissimo ac doctissimo D. Ildephonso Catelinot, bibliothecario monasterii S. Michaelis in Lotharingia dum vivebat, accepimus. Illum primo detexit celeberrimus Bernardus Montfauconius, atque in præclaro suo opere Bibliothecæ Bibliothecarum tom II, pag. 1297, inter cod. biblioth. Laudunensis recensuit. D. Catelinot eundem, ex eodem codice antiquissimo descriptum, obtinuit beneficio domini abbatis de Hedouville canonici Ecclesie cathedralis Laudunensis, et opera D. Breton professoris abbatiae Premonstratensis.

Codicem, unde hic libellus descriptus fuit, præfatae ecclesiæ dono dedit Dido episcopus, prout monstrat inscriptio ad initium codicis extans, que talis est: *Hunc libellum dedit dominus Dido episcopus Deo et sanctæ Mariæ Laudunensis ecclesiæ. Si quis abstulerit, offenditionem Dei et sanctæ Mariæ incurrat. Dido episcopus præfuit ecclesiæ Laudunensi circa finem scc. ix. Mortuus anno 891.* Est ergo codex vita Alcuini pene coævus.

Titulus opusculi, quem etiam Cl. Montfaucon loc. cit. notavit, est: *Alcuinus de Processione Spiritus sancti.* Quamvis igitur nemo illorum, qui beati Alcuini scripta recensent, hujus opusculi mentionem faciat, et controversia isthac de processione Spiritus sancti a Patre Filioque primum post Alcuini obitum, nempe anno 809 in concilio Aquisgranensi ferventius agitari conperit; ipse etiam stylus epistola ad Carolum Augustum a stylo, quo Alcuinus in aliis ad eundem epistolis usus fuit, aliquo modo discordet; integrum tamen nobis haud esse judicamus, a fide vetusti codicis et a testimonio Didonis episcopi, Alcuino pene coævi recessere, et libellum hunc inter dubia vel supposita illius opuscula ablegare. Enimvero levis atyli discrepantia tanti non est, ut opus cuidam auctori abjudicetur, si alia argumenta graviora pro illo pugnant: et illa controversia jam ante annum 809 in Galliis mota fuit, nempe anno 767 in concilio Gentiliacensi. Dum igitur vivente Alcuino adhuc gisceret, dubitari vix potest, Carolum Magnum de componentiis aut tollendis ab Ecclesia ejusmodi litigis apprime sollicitum, aulae suæ magistrum consuluisse, et illi, ut suam sententiam edicret, demandasse.

• San-Marthani Gallia Christiana.

B Textum ergo bie damus e copia, ut vocant, vidimata, ad nos ab eodem D. Catelinot missa, cuius hæc est subscriptio: « *Præsens Alcuini de Spiritu sancto tractatus, cum divi Augustini in mysterium sanctissimæ Trinitatis explanatione, excerptus est ex veteri manuscripto in membrana exarato, quod D. Dido ecclesiæ Laudunensis episcopus bibliothecæ cathedralis ecclesiæ donavit; et quod ex speciali clarissimum ejusdem cathedralis ecclesiæ canonico-cum benevolentia ad me transmissum est. Actum Premonstrati die 13 Martii, anno 1747.—F. BRETON mppia. Canonicus Premonstr.* »

Vide quæ de hoc opere habent V. V. C. C. D. Rivet, *Hist. lit. de France*, tom. VIII, *Avertis.* § 2 p. x, et D. Ceillier, *Hist. des Auteurs sacr.* tom. XVIII, p. 297. Hunc tractatum etiam alicubi vidit Cl. Sirmondus, cuius titulum nostro per omnia similem sub nomine lauen auctoris incerti recenset tom. II Opus pag. 695, inter notas. Ex eodem etiam citat testimonium sancti Athanasii, prout infra num. 9, notavimus.

Opusculum hocce in tres partes divisum est; in prima ostenditur, Spiritum sanctum procedere a Patre et Filio; in altera, Spiritum sanctum esse Patris et Filii Spiritum; in tertia, Spiritum sanctum missum esse a Patre et Filio.

### 744 IN NOMINE SANCTÆ TRINITATIS INCIPIUNT TESTIMONIA

EX SACRIS VOLUMINIBUS COLLECTA IN QUIBUS  
APERTE OSTENDITUR, QUOD SPIRITUS SANCTUS  
A PATRE ET FILIO PROCEDIT, ET QUOD RECTE  
SPIRITUS SANCTUS PATRIS ET FILII VOCATUR  
SPIRITUS.

D Serenissimo Augusto Carolo salus, pax, virtus, vita, Victoria.

Sacra, serenissime Auguste, Christianorum turba, quæ sub glorioissimo vestræ dominationis imperio est constituta, pro vobis et pro totius regni vestri statu, divinae etiam protectioni vestrum commendans imperium, omnipotenti Domino, qui vestri